

ル 5
2537
7



門八名 5
號 2537
卷 20-7

Faint, illegible text in vertical columns, likely bleed-through from the reverse side of the page.

日下舊聞卷十一

城市二 中城下

大時雍坊十八舖有府軍衛羽林前衛 五城坊巷街衙

集

正統七年十一月建五府于大明門之右遂營武成王廟于後軍都督府建刑部都察院大理寺於宣武街西

英宗實錄

五軍都督府在闕之西皆東向 春明夢餘錄

宣德六年正月朔以纂修兩朝實錄成賜監修總裁纂修等官太師英國公張輔等宴于行在中軍都督府 閣類錄

明宣宗都督府箴天命太祖興自武功海宇旣寧武



備實崇皇祖皇考敬繩祖武兵戎之政總以督府朕
嗣大統祇率舊章居安慮危夙夜不忘惟昔帝王咸
奮武衛靖亂保民安內攘外凡今兵衛布在四方總
制于中有維有綱惟是樞機爾司其柄宜敬念之以
修其政將有才智士有勇銳部伍有訓儲峙有備除
治戎器豫戒不虞政修兵堅孰敢侮予爾敬念之毋
忽毋怠必壯其猷以輔予治

官箴

太常寺在皇城西後府之南東向中爲崇正堂萬曆中
董其昌爲寺卿改書寅清堂扁後堂左右爲官舍堂後
爲香帛庫庫北爲浴堂南爲柴庫右爲祭器庫

春明夢

餘錄

宣德七年八月行在太常寺奏永樂中本寺寄處故元

萬壽宮承慶堂祭器神帛品物皆貯于內請別建置上
諭工部尚書吳中曰太常專奉神明亟尋潔淨之居徒
之

宣宗實錄

太常寺在後府南典簿廳附焉外有神樂觀犧牲所各
祠祭署亦隸之

明一統志

明宣宗太常寺箴爲國之要事神理民太常典祀式
交百神昔予祖考致嚴祀享厥有純誠敬恭協相朕
承不緒思用允迪爾祇爾肅以輔以翼儀度必飭粢
盛必潔無曠無慢凜乎對越事神之本惟心之虔豈
直臨事平居有嚴神之鑒矣來歆來止神之歆矣民
之福矣無曰冥冥洋洋有臨汝惟懋哉其慎其欽

官箴

通政使司在太常寺南東向 春明夢餘錄

明宣宗通政司箴通政所司實古納言出納政令用
名厥官有虞之聖后龍是職周仲山甫亦謹朝夕君
爲元首臣則股肱薦念如子維彼庶民崇卑一氣流
貫無間有遏弗流體乃爲患爾職於斯必敬必忠命
必下究情必上通讒說殄行師用震驚爾謹爾明予
治乃成維樞維機維喉維舌爾飭無怠庶儆在列 官箴

錦衣衛在通政司南經歷司上下鎮撫司并各所司附
焉 明一統志

錦衣衛初以鑾儀司改設後改供衛司又改爲親軍指
揮使司爲二十二衛禁軍之首不復隸都督府至永樂
而任寄漸重及英憲兩朝委以心膂乃至秋後大庭審
錄重囚其堂上官遂得與三法司及各部大臣會讞而
雄峻無可加矣至世宗南巡江漢一切前驅使護蹕使
及整擻鹵簿防護屬軍諸使俱以本衛堂上充之於是
陸炳得于行宮救火建捧日之勲兼拜公孤與進士恩
榮宴而極矣若鎮撫司者在外各軍衛俱有之其任本
理獄訟惟錦衣爲重洪武二十年太祖聞其拷掠過酷
盡焚刑具歸其事於刑部罷廢其官天下如脫水火永
樂間復設然不過如外衛止立一司耳俄又設北鎮撫
司專官詔獄而以軍匠諸事屬之南鎮撫司于是北司
之名止于東廠矣其初重大事情一訊之後卽送法司
定罪不具審詞至成化初用叅語覆奏而刑官始掌尉

矣然猶未有印也成化中葉又添註北司印信一切刑
獄不復關白本衛堂官卽堂官所行下者亦徑自具奏
請旨堂官不得預聞遂與東廠稱表裏衙門西曹奉行
恐後矣東廠設有旗校與錦衣同訓機密然其人俱從
本衛撥去以尤儇巧者充之彼此偵探盤結膠固以故
廠衛未有不同心者然東廠能得之內廷因輕重上下
其手而外廷間有一二扞格至本衛則東西兩司房訪
緝之北鎮撫司拷問之鍛鍊完密始入司寇之目卽東
廠所獲大小不法亦拿送北司再鞫情由方得到賈城
中法官非膽力大于身者未易平反也野獲編
錦衣典親軍其後寄以調察之柄體勢日重然本非尊
官也故雖紀綱門達逮杲之寵然綱達不過都指揮僉

事果僅指揮同知而已堂上官遇駕出則戎裝帶繡春
刀扈從繡春刀極小然非上賜則不敢佩其校尉皆衣
只孫其名仍元舊也天順及弘治初門達袁彬朱驥等
提督緝捕每至十年方一類奏下兵部議陞多止十人
賞或以布絹鈔錠無功者撻而斥之已而有拏獲妖言
陞襲一輩之例於是競貪功賞肆行羅織矣春明夢餘錄

嘉靖二年十一月刑科給事中劉濟上言國家置三法
司專理刑獄其後乃有錦衣衛鎮撫司專理詔獄緝訪
于羅織之門鍛鍊于詔獄之手裁決于內降之旨而三
法司幾于虛設矣世宗實錄

錦衣衛職掌鑾儀明太祖時不司刑名而校尉官衣與

教坊樂工同式但花色小異耳衛秩三品其後掌衛者率皆五府都督有加宮保者

客臆偶譚

錦衣一重于紀綱再重于錢寧三重于陸炳其初一禁校耳其究乃位師保參綸綍不亦殆哉

錦衣志

太保兼少傅者一人陸炳太保兼太子太傅一人朱希孝太子太傅一人劉守有左都督一人錢寧右都督一人陳寅都督同知一人余廕以上皆掌衛督行事官校者也右都督一人錢安都督同知三人袁天章孫鉅楊俊卿以上同掌衛督捕者也其他恩廕管事左右都督如麥祥高恕黃浦之類不可勝紀矣

春明夢餘錄

嘉靖初兵科給事中夏言御史鄭本公兵部主事汪文盛等上言錦衣一衛額設指揮使一同知二僉事三領

撫二所千百戶各有定員自正統後貴妃尚主公侯中貴子弟多寄祿衛中遞進用事至正德間奄宦擅權貴幸子弟以奏帶冒銜錦衣者尤多今查應革者二千一百九十九員兵部尚書彭澤覆奏從之然裁革未幾濫授如故至隆慶四年復汰冒濫官旗一千一百一十五人而邊功之冒報內侍之傳奉勲戚之陳乞相襲以爲故事此明政之一蠹也

同上

錦衣校尉五所約八九千人

病逸漫記

衛有駕差而廠無之外省大僚有事犯提問者旨下錦衣衛差官一二員旗尉二三十名前去提解而廠役不及

客臆偶譚

明宣宗錦衣衛箴自古建國皆重環衛爾惟厥官朝

夕廷陛下所服御威爾攸秩出入先後以警以譚左
右駿奔亦戒不虞亦有匪人爾詰爾祛爾其懋懋勿
縱于私宜廉宜慎宜勤宜祇惟義之遵惟善之廸敬
恭勿淪用保終吉官箴

鎮撫錦衣屬也而得專治獄或上有所怒特下與緹騎
賊曹鈞發者俱以委鎮撫獄竟自上請可否錦衣志
鎮撫有南北二司南司管本衛官役俸糧掌司者必堂
上僉書其列衛者大率多文蔭北司亦有起自文蔭世
職者然多由廠衛掌刑陞轉東廠雖惡然不能廷辱緝
紳每擋頭打事件得旨下鎮撫司問則北司立逮緝紳
于獄矣客廳偶譚

朝廷設立廠衛原以緝盜防姦非以察百官也今以暗

訪之權歸諸廠衛人非正直事出冤誣朝廷既憑廠衛
廠衛復委番役此輩貪殘何所不至非盛世所宜有也
舒司寇奏議

崇禎四年五月給事中許國榮疏言掌廠掌衛之臣寄
耳目于夥長旗番通國畏之如虎止有廠衛緝事之人
而無緝廠衛事之人彼能顛倒人之是非而人不敢操
其是非何憚而不恣所欲為乎崇禎疏抄

旗手衛在通政司後明一統志

行人司在西長安街朝房之西春明夢餘錄

行人司行人初置三百六十員今存三十六員菽園雜

明宣宗行人司箴法古建官以熙于治國之行人實

承周制慎簡髦士俾居俾臧朝有命令肅肅用將有
容有章必敬必飭毋爲奇袤毋縱貪墨載馳載驅周
爰咨諏靡及之懷益茲弗渝克篤念茲不忝于士不
忝于國有聞于世

官箴

首善書院在宣武門內左方對城天啟初鄒公南皇馮
公少墟兩先生爲都人士講學之所葉少師臺山撰碑
董宗伯思白書黨禍起魏忠賢矯旨毀天下書院掇碎
碑嗣卽其地開局修曆

燕都游覽志

都察院左都御史吉水鄒先生元標副都御史三原馮
先生從吾萬曆初各以建言予杖去里居講學四十年
泰昌初徵入掌憲公暇輒會講城隍廟僉議建書院宣
武門內城下御史周公宗建董之講堂二楹後堂三楹

供先聖陳經史典律以天啟二年十一月開講至四年
六月罷講御史倪文煥等詆爲僞學疏曰聚不三不四
之人說不痛不癢之話作不深不淺之揖噉不冷不熱
之餅乃碎碑暴于門外毀先聖主焚棄經史典律于堂
中院且拆矣崇禎初倪等伏法院遂以存後禮部尚書
徐光啟率西洋人湯若望等借院修曆署曰曆局

帝京
景物畧

京師首善之地琳宮梵宇鳩吻相望獨無學者敬業樂
羣之地往時羅文恭徐文貞講學率借僧舍誠大闕事
也天啟二年御史臺諸公構書院一所於宣武門內東
墻下南臯少墟兩先生朝退公餘不通賓客不赴宴會
輒入書院講學一時士風爲之稍變未幾逆璫用事郭

允厚朱童蒙輩相繼論劾以講學爲門戶及楊忠烈劾
魏忠賢疏上黨禍大作善類一空而御史倪文煥遂奏
請毀書院棄先師木主于路左左壁有記爲葉公向高
文董公其昌書並碎焉書院旣毀逆祠乃建矣春明夢
餘錄

書院之設莫盛于元設山長以主之給廩餼以養之幾
遍天下其在京師者有太極書院明初各省俱有書院
自張江陵當國始行嚴禁江陵歿後復稍稍建置一時
著名者徽州江右關中無錫至天啟中京師始有首善
書院不知者統謂之東林但借東林二字以害諸君子
蓋東林乃無錫書院名也宋楊龜山先生所建後廢爲
僧寺顧涇陽先生憲成自吏部罷歸購其地建楊先生

祠同志者相與構精舍居焉至甲辰冬始與高忠憲數
公開講其中立爲會約一以考亭白鹿洞規爲教然躬
與講席者僅數人時涇陽先生已辭光祿之召不赴於
新進立朝諸公漠無與也適忠憲起爲總憲疏發御史
崔呈秀之贓呈秀遂父事忠賢日嗾忠賢曰東林欲殺
我父子旣而楊左諸公交章劾璫璫益信諸人之言不
虛也於是遂首毀京師書院而天下之書院俱毀矣同

崇禎壬申夏華亭董先生召起入都予請先生重書碑
一通先生輒然曰何必然曩時蓋書兩碑其一搥碎其
一王廷評應遴摹勒藏壁間第搜而出之足矣余亟往
物色之則先是爲某侍御輦而度之中城察院署中尚

無恙也

燕都游覽志

葉向高首善書院記曰首善書院者御史臺諸君所
勅爲南臯鄒先生少墟馮先生講學所也額曰首善
者以在京師爲首善地也古之所爲教學則庠序學
校盡之矣當其時里黨之所習師儒之所修明舍三
德六行五倫之外無他物也自鄒魯始言心言情言
道德仁義而其指歸不出於孝弟時庠序學校廢而
賢人君子之有志于學者始欲得聖賢爲之依歸以
其維世教于不墜其上下之相爲補救如此漢唐以
來以雜途詞章取士置德行倫常于不講至宋而濂
洛關閩諸儒乃復續鄒魯之微言轉相授受鹿洞鵝
湖始有書院以聚徒講學亦杏壇之遺意也明興設

利羅才雖取詞章而學宮功令載在卧碑者一本于
德行至以明倫頌其堂其大指與三代同而未流之
弊逐功利而迷本真乃反甚于漢唐賢士大夫欲起
而維之不得不復修濂洛關閩之餘業使人知所嚮
往大都通邑書院所在皆有獨京師無一敬業樂羣
之地蓋二百餘年于茲矣夫大學之道明德新民歸
于止至善其釋止至善首言邦畿千里惟民所止其
重邦畿如此而要其所止又不外于君臣父子之倫
蓋聖人之教人明易如此夫惟君臣父子之倫明而
後朝廷尊朝廷尊而後邦畿爲四方之極此之謂首
善非他通邑大都所得比也二先生惓惓于此舉意
念深矣吾聞鄒先生之學深參默證以透性爲宗以

生生不息爲用境地所詣似若并禪機元旨而包括于胸中馮先生之學反躬實踐以性善爲主以居敬窮理爲程其識力所超又若舉柱下筮乾而悉驅于教外要之于規矩準繩倫常物理尺寸不踰與世之高談性命忽畧躬行者大相徑庭則二先生師世淑人之模範又無不同故凡詣鄒先生者益然如太和元氣之薰蒸其見馮先生則屹然泰山喬嶽今合二先生振鐸于邦畿又適值聖天子道化覃敷統接堯舜一時名流濟濟如龍源鍾先生輩相與倡和其明君臣父子之倫使凡有志大學者毋以至善爲荒唐而唐虞三代之治可復還于今日則其所補于世道豈淺鮮哉書院在大時雍坊十四舖買自民間爲金

一百八十兩皆五廳十三道所輸經紀其事者司務

呂君克孝御史周君宗建以天啟二年某月某日開

講是爲記

蒼霞草

何喬遠首善書院上梁文曰天子正南面而治作之君作之師庶民遵皇極之猷有其歸有其會故修身爲本壹是無他建學明倫三代則共若人生之不可無饑食渴飲如天道之未嘗已月恒日升今皇帝聖敬緝熙天將睿哲經筵寒暑之無怠典學終始以有常誠見精一執中本上古相傳之統明新至善當天命顧諟之勤自有帝而之王歲皆餘乎五百若自聞而合見臣孰踵其二三爰有都御史臣元標副都御史臣從吾有道而見爲覺之先懷股肱之惟人豈可

立有唱而臣無和追歎畝之所樂正欲上見君而下見民爰關木鐸之壇大集鳥嚶之侶究仁義之條貫講道德之本元蓋匪徒以其窮義達道之真不變塞于泉石實欲以其草偃風行之尚開民止于邦畿惟是鹿洞鵝湖人易分爲門戶蜀支洛派動或至于參商議者雖憂于末流論人當視其所以今皇帝若曰以道出治朕方志夫風動時雍優任則學臣正資其後先啟沃維臣元標臣從吾念京師厥惟首善在彼都鬱爲民望日雖羣萃夫冠紳初實假館于禪舍地則偏隘道亦異同旣奉煥赫之明綸宜開革輦之壯觀爰得城南之宅遂構書院之區維大學士臣向高仰體聖懷下同臣德爰摛文以作記將垂訓夫來茲

約閣攸萃上梁廼吉伏願上梁之後庶民興而大經
正道德一而風俗同親上尊君生其固有成德有造
歸于達材福祿如茨單厚孔固 鏡山集

馮元鸞首善書院感舊作維貞皇帝神授符詔出明光徵大儒有臣元標首應詔誰並進者臣從吾一時諸儒相繼入王道蕩蕩民所趨貞皇雖逝嗣皇少譬之日出時未晡諸儒謂可睹上治力崇正學開榛蕪請爲天子建書院揭以首善天之衢漢唐宋代何足數升堂入室泗與洙當使亂臣賊子懼如陸有軌水有桴豈無贗鼎相錯列能由是路亦吾徒越歲壬戌策進士臣鸞蒙與諸臣俱二十爲學志方壯晨起盥漱遵修途少焉諸儒次第入鳴鐘擊鼓聲鏗于衣冠

肅對寂未語森若披古賢聖圖儒者寧盡澗世務憂
天徃徃多訐謨乃知名教自足樂照耀萬古焉可誣
彼譖人者亦太甚曰宋之敗由程朱封疆在今多事
日褻衣博帶何其迂輔臣向高爲此懼手自伏䟽陳
青蒲誰爲此言告陛下當付之吏法當誅天子寬仁
置勿問忍見白日舞妖狐嗚呼諸儒死不恨宣尼粟
生誠何辜乙丙之際不可說故老欲哭徒嗟吁丁卯
八月聖人出讒者慄慄憂頭顱臣颺再入問書院門
外細草翔啼鳥聖人豈不重經術時危未暇陳蒼珮
竊見京師富梵舍口語以唄拜以膜亦有高閣祀天
王譚兵治曆喧齟壺獨使書院屏勿事臣颺敢復惜
微軀卿雲縵縵天子都諸儒靈爽應未徂大道經天

終有孚幸甚爲念臣區區 帝京景物畧

胡忠安公濼賜第在麻繩衚衕長安客話

小時雍坊五舖五城坊巷衚衕集

舊制皇城外紅舖七十二座舖設官軍十人夜巡銅鈴
七十有八貯長安右門初更遣軍人一一搖振環城巡
警歷西安北安東安三門俱會長安左門而止每十鈴
以兵部火牌一面後復造木牌五十六面付五門驗發
鈴收鈴之數武宗實錄

崔子鍾好劇飲嘗至五鼓踏月長安街席地坐李文正
時以元相朝天偶過早遙望之曰非子鍾耶崔便趨至
輿傍拱曰吾師得少住乎李曰佳便脫衣行觴火城漸
繁始分手別藝苑卮言

金幼孜晚出西長安門白髮粲粲老從官籃輿自便
懶登鞍京華久住交游少惟有西山耐久看 金文靖
公集

王穉登春雪曲春風吹雪下桑乾添得城中一夜寒
鳩鵲樓高消不盡長安街上馬頭看 燕市集

雙塔寺卽元慶壽寺在西長安街塔二一九級一七級
春明夢餘錄

九級者額曰特贈光天普照佛日圓明海雲佑聖國師
之塔碑題燕京編修所次二官王萬慶撰畧曰海雲名
印簡山西之寧遠人八歲禮中觀治公受戒修童子行
年十一能開衆講義濟衆凶歲金宣宗聞之賜號通元
廣惠大師寧遠城陷師與中觀皆執成吉思皇帝遣使

語太師國王曰老長老小長老可好自是天下稱小長
老焉一夕夢神速其行乃來燕特中和老人章公往燕
之慶壽寺夢僧杖而入門踞師子座是日師至師每言
于大官人忽都護曰孔子聖人宜世封以祀又言顏子
孟子後及習周孔學者皆宜免差役勤服其業從之詔
試僧道不通經者還編戶師所著語錄曰雜毒海前後
得其法者十四人可菴朗公繼主慶壽寺焉七級者額
曰佛日圓照大禪師可菴之靈塔今寺尚有海雲可菴
二像衣皆團龍魚袋海雲像其弟子劉秉忠作贊 帝京
景物畧

至元三年四月勅僧道祈福于中都寺觀詔以僧機爲
總統居慶壽寺 元史世祖紀

耶律楚材爲慶壽寺化萬僧疏隱迹林泉置死生于
度外隨身瓶鉢寄口腹于人間欲隆三寶之風製造
萬僧之化何須異味惟求野菜黃蘗不用瓊木其要
山田脫粟 湛然居士集

至順二年三月繪皇太子真容奉安慶壽寺之東應真
殿如累朝神御殿儀 元史文宗紀

程鉅夫大慶壽寺大藏經碑聖人之書皆不得已而
有言者也西方之聖人虛空爲本寂滅爲宗而積其
書至五千四十八卷其得已哉蓋迷待法而悟故不
可以無法法待言而立故不可以無言書者言之寄
也於是後世尊其書建大寶藏而藏之名曰大藏經
俾學之者沿經以求法悟法以成佛然則由言語文

字以至虛空寂滅經之功不既大矣乎國家崇信佛
法建大佛寺必置經藏叢天下之工書者泥黃金繕
寫以示其嚴選天下之善鏤者刊美木傳刻以致其
廣京師諸寺日飯僧端坐羣誦撞鐘吹螺晝夜不絕
歲又一再遣使乘驛奉香幣徧天下亦如之斯盡恒
河沙界並受其福於虜至矣東南海濱之國高句麗
古稱詩書禮義之邦奉佛尤謹皇元之有天下聞風
來附世祖皇帝結之恩待之禮亦最優異父子繼王
並列貳館今王又以聰明忠孝爲皇帝皇太后所親
幸大德乙巳乃施經一藏入大慶壽寺歸美以報于
上寺爲裕皇祝釐之所於京城諸刹爲最古皇慶元
年夏六月謂某爲文勒之石王名璋好賢樂善有德

有文逮事世祖以皇甥爲世子入宿衛被賞識成宗
朝選尚公主大德末年從今上平內難立武宗有功
爲推忠揆義協謀佐運功臣開府儀同三司太子太
師上柱國駙馬都尉瀋王征東行中書省右丞相嗣
高麗國王今上卽皇帝位策勳加太尉寺住持西雲
師名子安法行高卓累朝所器重賜號佛光慈照明
極淨慧大禪師官榮祿大夫大司空領臨濟一宗事
李樸集

元趙孟頫慶壽僧舍卽事白雨映青松蕭颯灑朱閣
稍覺暑氣銷微涼度踈箔客居秋寺古心跡俱寂寞
夕蟲鳴階砌孤螢炯叢薄展轉懷故鄉時聞風鳴鐸
松雪齋集

吳萊從丞相園入慶壽寺詩我來燕山游俠場九衢
飛沙白日黃大車高馬紛騰驤賓客追逐如風狂丞
相花園雕玉房杏枿枿相低昂雪崖冰谷寒不僵
土脉癰盈芒樹長美人素手行瓊觴清歌艷舞調絲
簧鸞金蝶粉醉有香燕丹遺俗今則常倚城孤塔屹
寶坊天仙夕降飄鳴鏑青旗絳節後祝床凌冬翠柏
列兩行下引碧竇跨虹梁誰歎造者完顏王衰年上
壽面生光第一齋僧無諫章九州四海遂不康寒烟
蔓草吁可傷蕭然極目捐平岡燕南趙北天茫茫快
騎黃鵠歸故鄉
淵穎集

姚廣孝住北平慶壽寺事上藩邸
成祖實錄
宣德七年二月監察御史李得全劾僧錄司右覺義大

旺於慶壽寺擅創樓閣上命錦衣衛執大旺等付都察院鞫之宣宗實錄

慶壽寺僧覺貴劄毘盧閣高出數十尺虞祥為禮科給事中抗疏論其罪宣宗怒命毀閣下覺貴于獄英宗實錄

北京慶壽寺碑金党懷英八分書最妙正統中惜為中人所毀格古要論補

党懷英工篆籀當時稱為第一金史文藝傳懷英小篆李陽冰以來鮮有及者滄水集

正統十三年二月修大興隆寺寺初名慶壽在禁城西金章宗時所創太監王振言其朽敝上命役軍民萬人重修費至鉅萬既成壯麗甲于京都諸寺改賜今額樹

牌樓號第一叢林上躬臨幸焉十三年十月工完督工太監尚義工部右侍郎王永和內官黎賢主事蒯祥各賞鈔有差實錄

慶壽寺亦名大慈恩寺在禁墻西俗呼曰演象所初文皇欲為姚廣孝建第廣孝固辭竟居慶壽寺中後退居天寧寺百官遂于慶壽習儀燕都游覽志

姚少師廣孝故配享太廟學士廖道南疏請革之上亦以廣孝釋氏之徒不當配食乃撤廟主移祀于大興隆寺世廟識餘錄

嘉靖九年右春坊右中允廖道南奏太廟功臣配享永樂以來附以姚廣孝今大興隆寺有廣孝影堂像削髮披緇不可上比聖祖開國功臣之例乞為釐正旨下禮

部議於是大學士張璠桂萼咸曰廣孝事文皇帝雖有
帷幄之謀厥後加以穹秩錫以顯爵亦足以酬其勞矣
又列于功臣與享太廟削髮披緇榮沾俎豆揆之義理
實非所宜列祖在天之靈必有所不安者廣孝配位相
應撤去但係先朝功臣載在祀典合無移祀于大興隆
寺祠內每歲春秋遣太常官致祭庶宗廟之禮秩然有
嚴報功之典兼盡無遺矣上是之告于皇祖太宗而行
遣祭文曰皇帝遣太常寺賜祭于榮國恭靖公贈少師
姚廣孝曰當昔成祖文皇帝靖難之時爾克贊成祖以
平多難成祖不爾棄與諸功臣并行封贈配食廟庭朕
勅禮曹還爾位于茲寺中今特遣祭爾其歆承

嘉靖

十四年四月大興隆寺災御史諸演言佛者非聖人之
法惑世誣民皇上御極命京師內外毀寺宇汰尼僧將
挽回天下于三代之隆今大興隆寺之災可驗陛下之
排斥佛教深契天心矣又言寺基甚廣宜改爲習儀祝
聖之處上不可部議請改僧錄司于大隆善寺并遷姚
廣孝牌位散遣僧徒

國朝典彙

嘉靖十五年五月諭改大興隆寺爲講武堂

同上

嘉靖初廢大慈恩寺從錦衣衛之請卽其地改爲射所
上以金鼓聲徹于大內擬改建元明宮別以大興隆地
爲射所都督陸炳言大興隆地亦逗禁城惟安定門外
有廢官廳宜將宣武門外民兵教塲移此而移射所于
民兵教塲射所舊地改爲演象所得旨允行

演幢小品

今京城內西長安街射所亦名演象所故大慈恩寺也
嘉靖間毀于火後詔遂廢之爲點視軍士及演馬教射
之地象以非時來偶一演之耳會試放榜次日新郎君
並集于其中官廳內請見兩大座主榜首獻茶于前亦
可作南宮一佳話竊謂慈恩寺名正與唐曲江名瞻合
何不卽以雁塔題名事屬之每三年輒許南宮諸生泚
筆記姓名於中亦清朝盛事而僅充芻牧決拾之場耶
野獲編

慶壽寺舊有石刻金章宗飛渡橋飛虹橋六大字嘉靖
十七年燬春明夢餘錄

楊一清興隆寺詩三日興隆寺裏齋彩幢繚繞覆天
街過門不敢長驅馬上右右王萬歲牌石涼葉

韓那靖飲興隆寺詩萬里州城暮相逢老衲衣盤
無肉食生計有柴扉病骨春仍健浮名靜覺非紛紛
明日事潦倒夜深歸韓汝慶集

吳國倫雙塔寺詩石塔叅差御苑西凌空雙雁識招
堤梵鈴風起聲相激仙掌雲分勢欲齊似引飛鳥朝
帝闕豈煩鳴馬護禪樓長安落日馳車騎何處逢人
路不迷魏彞洞葉

王衡詩草掩閑庭久徒行亦偶然爲貪楊柳色忽到
杏花前珠勒分弓影春衫傍酒船都緣無底興隨意
遶墻眠緜山集

崇禎甲申三月十九日都城破工部尚書兼東閣大學
士吳橋范公景文先已絕粒不食至是見賊騎縱橫望

闕哭於雙塔寺傍井中死之畿輔人物志

按昭忠錄稱范公死于龍泉菴井中未詳孰是

朝爽樓在雙塔寺後呂氏園中樓也燕都游覽志

李文正公東陽賜第在灰廠小巷李閣老衙衙長安客話

李文正賜第久析為民居嘉靖乙酉麻城耿公定向首議贖還為公祠祀公像有雙履履二寸許絆繫之一粗紵小衫公舉奇童時誓以見景帝者耿為其篋撰文鏤篋蓋藏之祠帝京景物異

湛園即米仲詒先生宅之左先生自叙曰歲丁酉居長安之苑西為園曰湛有石丈齋石林仙籟館茶寮書畫

船繡佛居竹渚敲雲亭曲水繞亭可以流觴即以灌竹

竹外轉而崧關又轉而花逕則飲光樓在望眾香園蓋

其下也別逕十數級可以達臺是為猗臺俯瞰蔬圃燕

都游覽志

米氏萬鍾嗜石成癖宦游四方所積惟石而已最奇者有五一靈壁石高四寸有奇延袤坡陀勢如大山四面如畫家皴法巖腹近山脚特起一小方臺凝厚而削臺面刻伯原二字小篆絕佳伯原元杜本字也一靈壁石非方非圓渾樸天成週遭望之皆如屏嶂有脉兩道作殷紅色一脉潤如小指一細如縷絲自頂上凹處垂下如湫瀑之射朝日石高可八寸許圍徑尺其聲鏗亮色純黑凝潤如膏俱磬山產也一英德石高四寸長七寸

如雙虬盤卧玲瓏透漏千蹊萬徑穿孔鈎連一宛州石
大如拳灰褐色巉崑渾雅堅緻有聲或曰出嶧山深谷
中一仇池石大亦如拳聲如響磬峯巒洞壑奇巧殊絕
公刻其底曰小武夷五石各具形勝皆數百年物奇石記

古雲山秀米太僕萬鍾之居也太僕好奇石蓄置其中
其最著者為非非石數峯孤聳儼然小九子也又一
黃石高四尺通體玲瓏光潤如玉一青石高七尺形如
片雲欲墮後刻元符元年二月丙申米芾題又有泗濱
浮玉四篆字太僕常以所蓄石令同人吳文仲繪為一
卷董思白李本寧為之跋尾春明夢餘錄
米萬鍾自題湛園詩主人本湛以湛名其園有時

成坐隱為客開青罇聞雲歸竹渚落日深松門登臺
候山月流輝如晤言勺園集

袁伯修寓近西長安門有小亭曰抱甕伯修所自名也
亭外多花木西有大柏六長夏涼陰滿堦梨樹二花甚
繁開時香雪滿庭隙地皆種蔬宛似村莊小奴負甕注
水日夜不休燕游覽志

太僕寺在萬寶坊主簿廳附焉明一統志

太僕寺在皇城西乃元兵部舊署春明夢餘錄

太僕寺石刻畫馬二一史道碩畫一趙孟頫畫皆王世
貞官太僕時所摹勒也道碩五代時人玉堂薈記

明宣宗太僕寺箴軍國所用馬為之最軍國之政馬
政亦大肆予慎之有駉如雲既克內閑亦渙其羣疇

厥庶民析之畜牧司其政令命汝太僕政令攸宜閑
省以時不愆不忘乃蕃乃滋蚩蚩之氓國家之本
既阜豐馬息斯奮爾篤于民毋侵毋尅爾勤于職必
敬乃德魯僖無邪衛文塞淵爾師古人厥功懋焉

箴

永樂二十二年十一月賜衍聖公孔彥縉宅于京師彥
縉數來朝皆館于民家上聞之顧近臣曰四夷朝貢之
使皆有公館先聖子孫乃寓宿于民家何以稱崇儒之
意遂命工部賜宅

立齋閣錄

安富坊六舖有燕山左衛

五城坊巷衎衎集

普恩寺在安富坊

順天府志

永樂十五年三月建洪恩靈濟宮于北京祀徐知證及

其弟知諤初徐溫事吳楊行密及溫養子徐知誥代楊
氏有國封知證爲江王知諤爲饒王嘗帥兵入閩靖羣
盜閩人德之爲立生祠于閩縣之鰲峯累著靈應宋高
宗勅賜祠額靈濟宮入國朝靈應尤著上聞遣人以事
禱之輒應至是命立廟皇城之西賜名洪恩靈濟宮加
封知證爲九天金闕明道達德大仙顯靈普濟清微洞
元冲虛妙感慈惠護國庇民洪恩真君知諤爲九天玉
闕宣化扶教上仙昭靈博濟高明弘靜冲湛妙應仁惠
輔國佑民洪恩真君

成禮寶錄

神父封翊亮真人繼又進封爲真君神母曰叔善仙妃

金闕配曰真應仙妃玉闕配曰恭靖仙妃

西閩聞見錄

男子曾甲世居閩縣金鰲峯下灌園園中有破祠其神

常棲箕自稱兄弟二人南唐徐知誥之弟知證知詳也
晉開運二年率師入閩秋毫無犯閩人祀我於此自是
書符療病驗若影響永樂間成祖皇帝北征不豫詔會
甲入侍運箕有驗遂封知證清微洞元真人知詳弘靜
高明真人勅有司建廟

晉安志

正統元年正月御製洪恩靈濟宮碑文

英宗實錄

英宗御製靈濟宮碑畧神之先蓋出顯頊之後封國
于徐至假王修行仁義得國人心致後嗣之繁逮神
伯仲皆南唐義祖忠武皇帝之子伯封江王仲封饒
王初奉命守金陵後俱奉命率師入閩愛民之至民
用慕戴建生祠于金鰲峯之北圖像致敬如嚴父焉
一日謂眾曰不歲吾與汝別然不忍汝違及期相繼

化去未幾神降于人言並奉上帝命列職斗宮於是
閩人益虔祀禮祠下有潭遇旱禱者潭出赤蛇雲氣
隨起潭而甘雨如注潢溪霖潦溢民庶倉皇望祠
致懇忽有役夫如雲操畚鍤澗水不爲患而竟失
役夫所在宋熙寧中閩人劉葵知桂州禦蠻寇韓世
忠戰大儀鎮吳玠戰和尚原皆得神助以捷蓋神生
有至德沒著明靈爲國家生民殄馘邪沴愈遠而愈
盛也我皇曾祖太宗文皇帝臨御嘗夢二神人言南
處海濱來輔家國上異之明日適有禮官言閩中靈
濟二真君事正符所夢遂專使函香迎請神像至于
北京而於宮城之西南作洪恩靈濟宮以奉祀事因
神舊號加以竄稱惟神至仁有禱輒應歲時薦祭式

豐以嚴皇祖仁宗昭皇帝皇考宣宗章皇帝率循舊章咸隆祇禮朕承天序仰體先志增崇祠宇寅奉威靈復加神號曰九天金闕明道達德大仙顯靈溥濟寄微洞元冲虛妙感慈惠護國庇民崇福洪恩真君九天玉闕宣化扶教上仙昭靈博濟高明弘靜冲湛妙應仁惠輔國佑民隆福洪恩真君因祠之成書神世系及功德之大者刻諸貞石以示久遠實錄成化二十二年重加尊號伯曰九天金闕總督魁神洪恩靈濟慈惠高明上帝仲曰九天玉闕總督聖神洪恩靈濟仁惠弘靖上帝神父加封高上神主慈悲聖帝神母加封安寧護國恭靖元后金闕妃天房衛保節靖元后玉闕妃天房衆母顯佑元后西園聞見錄

倪文毅岳官禮部值遺祭金闕玉闕真人奏曰徐知誥知誥唐叛臣之裔也祀典不敢議
畜德錄

弘治元年八月禮部侍郎倪岳言金闕上帝玉闕上帝神父聖帝神母元后金闕元君玉闕元君誕妄不經一年數祀不無煩黷且維皇上帝主宰于天而兄弟並稱上帝其僭已甚况父母及妃並受隆名稱帝稱君僭擬益甚所有名號乞依永樂中封者爲止以後加增一切祭祀俱宜罷革奉旨靈濟宮祭祀照舊真君并父母妻仍舊封號新加上帝等號俱革去西園聞見錄弘治十八年十一月冬至遣祀靈濟宮大學士劉健等言靈濟真君冒名僭禮惑世誣民臣等讀聖賢書心知邪僞而身與周旋則講讀皆成虛文輔導更爲何事且

有其誠則有其神無其誠則無其神臣等心既不信誠從何生強使馳驅雖祭無益乞將前項祭祀革罷免令臣等行禮上曰二真君之祭據禮當革但先朝行之已久姑仍其舊今後不必遣內閣重臣止令太常寺官行禮武宗實錄

崇禎十五年給事中左懋第疏言二真人乃叛臣之子不宜受朝臣拜跪請以帳幕隔之報可春明夢餘錄知證溫第五子在吳歷刺史節度使烈祖受禪封江王改王魏徐氏諸子知證最為長年卒年四十二馬氏南唐書

知諤溫第六子起家為太子中舍累遷刺史節度使知詢敗以知諤為金陵尹烈祖受禪封饒王進王梁嘗游秣山除地為廣場編虎皮為大帷率寮屬會于下號曰虎帳忽遇暴風飄虎帳碎如飛蝶知諤驚遽棄歸數日病卒同上

考南唐書知證知諤並不至闕亦不聞雅意道術今福州有廟祀甚著靈應永樂十五年成祖寢疾醫藥罔効禱之即瘳于是建靈濟宮于京師封金闕玉闕真人十六年改封真君每歲元旦冬至真君仙妃生辰用素帛差遣太常寺堂上官行禮每月朔望本宮侍持行禮國有大事則告而福州舊例每六年掛袍太常遣官齋送萬曆四年奏罷遣止預行本省如或織造即令藩司堂上官祭告掛換生無顯績沒為明神亦可怪也槎庵小乘

知證知諤本楊吳徐溫子溫養子知誥即帝位稱唐封
 知證為江王知諤為饒王知誥卒子景立改元保大二
 年二月閩始亂王延曦延政連兵相攻景因其亂遣查
 文徽臧循發兵攻建州擒王延政福州為李仁達所據
 因以仁達為節度使景欲罷兵而查文徽陳覺等請乘
 勝取仁達景以覺為宣諭使召仁達朝金陵不受命覺
 因發汀建信撫州兵攻仁達時魏岑安撫漳泉亦率兵
 會之景又以王崇文為招討使王建封為副使益兵會
 討馮延魯魏岑陳覺皆為監軍仁達數款于吳越吳越
 兵救之覺等爭功進退不相應延魯先戰大敗而走諸
 軍皆潰其後福州詐言吳越兵殺仁達遣人請建州
 節度使查文徽文徽與劍州刺史陳誨下舟閩江趨應

之文徽留誨屯江口自進屯西門伏兵發文徽被誨誘
 與越人戰勝之攷景前後遣將攻閩者具載于史未嘗
 有知證知諤領兵之事則所云屯兵金鰲峯下者妄也
 凡知諤之死在知誥昇元三年五月于時景未即位猶
 未加兵于閩惟知證之卒在景保大五年三月正當王
 延政之次年而陳覺等之敗亦在是月又與明年化去
 之言戾至云兄弟相繼則尤妄之妄矣二百年來淫祀
 矯誣無有能正之者倪岳周洪謨等亦但言其篡臣逆
 子不宜載祀典未能舉史傳事實始末以證流傳之訛
 宜當時之不能盡革也 蟬窠別志

顧起元詩星幢霞旆畫續紛十二瓊樓駐綵雲鸞鶴
 紫霄時上下步虛雙引玉晨君 懶真草堂稿

京師靈濟宮講學莫盛于癸丑甲寅間是時大學士徐階禮部尚書歐陽德兵部尚書聶豹吏部侍郎程文德主會皆有氣勢縉紳可扳附得顯官故學徒雲集至千人丙辰而後諸公或歿或去惟階尚在而講壇爲之一空矣戊午歲太僕少卿何遷自南京來復推階爲主盟仍爲靈濟宮之會然遷名位未可恃號召諸少年多無應者 世廟識餘錄

成化間山西妄男子侯得權詭姓名李子龍謀入內爲逆伏誅乃開西廠于靈濟宮前詔太監汪直領官校百餘人刺事 雙槐歲抄

唐金吾衛屬南衙卽今之錦衣羽林衛屬北衙卽今之東廠李輔國置察士數十人潛令於人間偵察細事有所索諸司無敢拒者魚朝恩亦於北軍置獄使坊市少年羅告富室沒其家貲則成化間之西廠矣 穀城山房筆麈

宣城第園在靈濟宮前府第中園也衆木叅天夾竹桃二大樹層臺高館不下數十張席者日無虛地 燕都游覽十七

積慶坊四舖有紅羅殿戰車殿太平倉惜薪司嘉興寺半藏寺興化寺 五城坊巷衛備集

海月菴在皇城之西吳文定寬之居 春明夢餘錄

吳匏菴園居有海月菴玉延亭春草池醉眠橋冷澹泉養鶴園今訪其遺跡已不可得 析津日記

吳寬海月菴冬日賞菊圖序畧弘治二年十月二十

八日翰林諸公會予園居賞菊既各有詩宜有圖真其首乃請鄉人杜謙寫之大率寫其意不求甚似至于衣冠古雅亦不必似今人而况草木之產乎同集者謝鳴治李賓之陳玉汝林亨大李世賢陸廉伯王濟之兒夔捧卷而進亦與焉鮑翁家藏集

宛平縣治在積慶坊

順天府志

宛平縣唐曰幽都析薊縣置者遼始改今名縣治在北安門西名勝志

宛平漢爲薊縣晉屬燕國慕容儁都於此隋置遼西郡治營州唐武德二年改爲燕州天寶元年改歸德郡建中二年爲廣寧縣後朱滔罷燕州立燕都縣五代石晉割地將遼遼改幽都府領幽都縣統和二十二年

宛平金得之割以遺宋尋復爲金所有仍爲宛平元爲赤縣屬大都路洪武中屬北平府倚郭縣清類天文分野之書

良鄉縣有雲麾將軍碑爲學博瘞爲柱礎閩人董生見之言于宛平令李襲美蔭蔭委曲寓書于令輦致嵌其署壁間扁曰古墨齋黎惟敬王敬美皆有記耳談

古墨齋在宛平縣署內唐李北海所書雲麾將軍碑邑今李蔭購得甃之署壁傍構小亭植柳蒔花以爲公餘遊思之地燕都游覽志

此碑後移少京兆署中止二礎其四礎相傳萬曆末爲王京兆惟儉攜之大梁春明夢餘錄

李言恭雲麾將軍斷碑歌蒼頡史籀不可起蝌蚪鳥

跡今已矣書苑千載尊鍾王乃有北海接其軌得意
最是雲麾禪當年落筆風雨隨何意斷之作柱礎神
物終爲造化私年多委置荆秦裏瓦礫冰霜竟誰視
數字模糊蒼蘚封雙螭斷缺樵童毀吾黨好古有李
侯忽焉搜致如琳瑯一朝載入長安市拂拭光芒動
斗牛莫嗟此物久淹棄隱顯鬼神或有意李侯邀我
把酒看白日高堂氣自寒人生踪跡亦類此屈不知
已伸知已

貝葉齋稿

日下舊聞卷十一終

日下舊聞卷十一補遺

城市二 中城下

中統元年賜慶壽寺海雲寺陸地五百頃續文獻通考
忠烈王三十二年王如元欲與前王俱東還王維紹等
讒搆兩宮謀廢嫡以瑞興侯璉尚前王公主爲嗣三十
三年元成宗崩前王與皇姪愛育黎拔力八達太子及
右丞相荅剌罕等定策迎立懷寧王海山爲帝奉太子
吉補王維紹等囚之遷王于慶壽寺東國史畧
嘉靖十五年五月諭文大興隆寺爲講武堂嘉隆聞見
紀

成化間太監王高休沐居慶壽寺時有兵部尚書某往
謁之會都御史王越戶部尚書陳鉞亦至高良久始出

揖諸公坐謂曰昔王振用事六卿多通私謁人以為擅權今諸公見訪安知外人不議高耶且諸公訪高不識以高為何如人兵部曰公聖人也高作色曰大而化之謂聖孔子尚曰則吾豈敢高何人而敢謂聖人辨之登臺將百言眾喘不能出氣高既卒諸公相次以事瑯琊漫抄

與隆寺有八景弘正間都下諸公賦詩成苑馬東田為之跋尾今詢之寺僧罕有知者人游記

登聞鼓院在西長安門小廳三間東向傍一小樓懸鼓卑寬民擊之每日科道官各一員錦衣衛官一員輪司其事民有冤抑有司不為審理具狀通政司又不為轉達審實列其狀以聞春明夢餘錄

鄒南臯馮少墟建首善書院于京師巡視周季侯成之講子以延四方之士掌科朱五吉郭默清論之兩公去國掌科亦外遷奄人執柄朱郭以監司超升京秩書院折毀言者詆之不啻巢窟夫京師縉紳雜沓之地一開講學賢姦並進不能不為政靈徐華亭靈濟之會已叢議于前矣朱郭意在去兩公初不因講學起見然兩公實亦多此一事也黃忠端公說畧

翰林編修李宗易建亭于時雍坊居第之後名曰午風南城羅侍讀景鳴隸書其上園廣數畝繚以周垣徑西南而入正北為舍三楹藏經史圖籍亭在舍之南數尋北向望之若舉蓋然環植桃李間以雜卉叢竹亭稍北為小池上橫木為橋引井水自渠而入可蓄可洩熊峯

綠雨樓陸文裕深舊邸也在正陽宣武二門之間東曰素軒北曰潛室其中為書窟文裕有記載集中今已失其處改盡齋雜疏

慶壽精覽文室之前松樾盈庭景色蕭爽嘗引流水貫泉西梁今水埋橋廢止存二石屏上刻飛渡橋飛虹橋六字筆力適婉勢極飛動有王禮部無競風格寺中相傳亡金道陵筆也秋淵集

朱孟震題宛平李于美明府古堂齋詩吁嗟乎雲壑將軍毅且戎一劍開元靜輦披身後勳名一丈碑北海筆鋒雄萬古逸勢飛騰紫虎愁寒光歷亂蛟龍舞真蹟流傳數百年何事幽州委榛莽斑斕那遣侵土

花摧頽猶解支鬢字護持神物春復秋往往精靈泣風雨青幘布襪過者誰披亭邵孺真良苦仙李雲仍得宛平耽書皆古識其精萬牛輦致不遺力珠斗恍惚回光明樹之高齋頌古墨奔走好事聲喧轟由來至寶不終秘天意若符人工并青瓊爾况還故物白璧誰復窺連城君不見劉柱史片石蒲城亦如此蒲城亦有斷刻蜀中丞劉遠夫復完之鐵葉銀鈎照大河徹天古色猶紫顯晦升沉各有時異人先後兩爭奇好將勿態觀人理德我長歌古墨詩郁木生吟稿

大理寺解舍有怪石棄置溝中因復昇置臺端高四尺許兩峯角立一竅中通錦紋粲然誠天壤奇物也素圃

日下舊聞卷十二

城市三 東城


明時坊西四牌十六舖東四牌二十六舖有羽林右衛
武功左衛武功右衛武功中衛 五城坊巷衛衛集

京師九門皆有稅課而統于崇文一司原額歲九萬餘
兩今加至十萬餘兩矣各門課錢俱有小內使經筵收
納囊襍騎驢例須有課車則計囊襍多寡以為算至于
菜茹入城鄉民亦於鬚邊插錢二文以憑小內使徑往
摘取之彼此不相問也 舊京遺事

薛瑄夏日出文明門詩文明門外柳陰陰百轉黃鸝

送好音行過御溝回望處鳳凰樓閣五雲深 敬軒集

蔡汝楠夏日登崇文城樓玉京城闕鬱崔嵬炎夏追



攀逸興催亭午薰風吹解帶半空爽氣接行杯桑乾
水映翠愚出碣石雲移暉睨開自是憑高多古意從
來賦客慣登臺 自知堂集

蘓州衙衙有苦井弘治間正月朔日晨有術士汲其水
往甜井中易水而來向井祝詛而下之此井遂變為甜
水 七修類稿

泡子河在崇文門之東城角前有長溪後有廣淀高堦
環其東天臺峙其北兩岸多高槐垂柳空水澄鮮林木
明秀不獨秋冬之際難為懷也北有呂公祠以乞夢有
驗歲大比諸士子爭往焉河上諸招提苦無廣大者水
濱之顏園廢圃多置不葺城內自德勝河外惟此二三
里間無車塵市囂惜命駕者少耳 都海覽

泡子河南岸有方家園張家園房家園北岸有張家園
傅家東西園中呂公堂西楊氏泌園東玉皇閣北貢院
帝京景物畧

于少保祠額曰忠節在崇文門內東祿背巷公故賜宅
也祠三楹中塑公像歲春秋遣太常寺官致祭公被刑
于天順元年復官于成化二年賜謚肅愍在弘治三年
改謚忠肅在萬曆十八年 卷十一

文思院在舉場衙衙屬工部屯田司官有大使副使
安客註

正德四年閏九月遷文思院于安仁廠隙地以成造
器數多且舊院空僻嘗被盜故也 卷十一

六年七月改建工部文思院于東城明時坊以舊
卷十一

卑沮洳不便改作故也同上

京師試院改警禮部為之乃正統年間事湧幢小

貢院在城東隅元禮部舊基也永樂乙未改為貢院制

甚偏隘嘉靖中議改剏西北隙地卒未果至萬曆二年

因故址拓旁近地益之春明夢餘錄

永樂三年令北直隸府州縣於順天府鄉試明會典

永樂乙未始開科于北京王忠肅名在第五文廟以

北京初啓會闈而魁得畿甸士心喜遂以布衣召見賜

酒食瑣綴錄

正統三年翰林侍講學士曾鶴齡主考順天鄉試初試

之夕場屋火試卷有殘闕者有司懼罪不敢以更試為

言惟欲修葺場屋以終後兩試鶴齡曰必更試有司

二說以進命如鶴齡所言

天順七年二月舉會試值貢院火監察御史焦顯因儀

其門不容出入舉子焚死者九十餘人上詳之賜死者

俱進士同上

國子監丞蓋禹錫因試院災奏備舉子遭火者多是

昔有學之士一夕無辜抱志而死膏塗牆壁肉食鳥雀

使踰垣而少者咸有灰心環視而歎者多懷去志乞賜

進士名色以表其門禮科給事中何琮等劾之言臣

見火死者朝廷已命有司具棺埋葬士子目覩驚

及莫不感激奮勵豈有灰心去志者哉今禹錫調弄

言形容過情奏對失實宜正其罪遂下錦衣衛獄

時禮部以試院狹隘故遭火請擇城中隙地改設之
下工部議左侍郎霍瑄右侍郎薛遠擇安仁坊草場
改爲試院造板房以易席舍及會計物料以闢上曰
院仍舊可也戶部草場宜擅易并其屬郎中等官
下獄同上

天順七年五月朔修試院同上

張居正京師重建貢院記今天子歲祚之三俱新修
貢院成其地因故址拓旁近地益之徑廣百六十丈
外爲崇墉施棘徼道前入左右中各樹坊名左曰虞
門右曰周俊中曰天下文明坊內重門二左右各有
廳以備譏察次右曰龍門而甬道爲明遠縹緲
有樓相望以爲瞭望東西號舍七十區區七十

舊制板屋以瓦甍可以避風雨防火燭北中爲至
堂堂七楹其東爲監試廳又東爲彌封受卷供給三
所其西爲對讀謄錄二所後爲聚奎堂七楹旁舍各
三楹主試之所居也又後爲燕喜堂三楹東西舍凡
十六楹諸胥吏工匠居之其後爲會經堂堂東西經
房相屬凡二十有三楹同考官居之工始于萬曆二
年三月以明年九月告竣按京師貢院始於永樂乙
未是時考士未定文皇帝以巡狩御行帷席事草創
其所舉士秋試不過數十人春試率白餘人故試院
雖湫隘亦能容及燕鼎既定人文漸開兩畿諸省解
額歲增士就試南宮至四千有奇而貢院偏隘如故
又維居民舍間嘉靖間議者咸請改規西北隙地

言東方人文所會宜因其址而充拓之然旋議旋
未有必然之畫也今天子始命有司之請一日易版
陋而爲闕麗非振李鳥能有成哉 太岳集

趙用賢重修貢院記國家每三歲輒貢士于鄉已從
春官上計率鎖院三試之故貢院之在畿內者間歲
一再從事乃其制獨庠陋弗修無以尊重事嚴國體
又百執事各曠其事而欲隨其廢壞濕之不時何以
稽奸慝而警禁御也當文皇定鼎北平百司庶府以
次創之而文教猶鬱淵聖嗣起道化勃洽士之挾策
至者往往填溢省吃至無所踴足世廟永嘗一議增
創屬財用方詰僅一開端道邇復報罷我皇上臨御
之初首采群言廓然更始出水 後十六新定

北贖鍰更爲相地所宜拓者東西若干丈其南北市
廛官酬以直得若干丈乃以萬曆甲戌鳩工庀材其
外表棹模列交戟簾之外爲樓五爲堂一爲號舍四
千八百有奇簾內爲聚奎堂一爲會經堂一爲考官
房四十有一他如監臨督察速庖泔輿隸有事棘闈
者率樹之堂牖閑之垣檻凡爲屋大小三百四十七
楹費四萬九千九百餘金越明年乙亥九月告成 石齋集

國朝定制鄉試以子午卯酉年會試以辰戌丑未年
兩癸未一以太宗靖難一以文場災並以甲申開科
德庚辰武宗南巡會試登第者至辛巳始廷試 明長史
宋科舉制以二月十二日鎖院十八十九二十則試詩

賦論策爲三場二十二二十三二十四又試經義論策爲三場今以初九十二十五三日了之昔何從容今何遽耶才能豈勝古人只落得文章率耳暇老齋雜記洪武甲子鄉試乙丑會試初爲小錄以傳然惟刻董事之官試士之題及中選者之等第籍貫經籍而已其錄前後雖有序然猶未錄士子之文以爲程式也次科戊辰始刻程文自是遂爲定式翰林記正統元年會試出大學論語中庸題而不及孟子十年會試出中庸大學孟子而不及論語成化元年順天鄉試出論語二道孟子一道而不及大學中庸其後定大學中庸內量出一道論語孟子各出一道遂爲例殿閣詞林記

試主考或待詔或典籍或經修紀善初不許癸丑始命少保黃淮與少詹事王直主之淮久致心以謝恩至京點用至弘治庚戌命大學士徐溥已水命大學士李東陽然未有用二輔臣者自天啓壬戌始命何宗彥朱國祚同主試後遂因之春明夢餘錄大啓二年二月辛未命大學士何宗彥朱國祚主會試故事會闈以閣臣典試而詹翰一人副之已推禮部尙書掌詹事府事顧秉謙上特命國祚國祚疏辭上曰今歲係朕首科特用二輔臣以光重典卿不必辭熹宗實錄

按是年宗室子朱慎登登進士榜先太傅文恪公請于朝優選京秩遂除慎登爲中書

人宗室舉進士前此未有蓋始于是科也
金谿王公英以永樂丁酉主順天鄉試明年戊戌會試
復為主考官庚子仍主順天鄉試連為主司者三至癸
卯又主順天鄉試宣德庚戌正統壬戌復爲會試總裁
凡三典北闈三主會試而王元美述盛爭未之及焉何
與棘關記

永樂十六年戊戌會試金谿王英實爲總裁至十八年
庚子二十一年癸卯復主順天鄉試永樂十九年辛丑
會試吉水周述實爲總裁至宣德七年壬子復主順天
鄉試宣德五年庚戌會試吉水錢習禮實爲總裁至七
年壬子正統六年辛酉復主順天鄉試皆先主會試而
復主鄉試後世則未聞矣同上

永樂中各省鄉試多有儒士主考而品官同考者景泰
二年會試莆田林文修撰也而爲主考吉水劉儼侍讀
也而爲同考當日重在衡文不序爵也同上

北京解元其初不盡北直隸人如景泰丙子徐泰正德
丙子周光宙嘉靖戊子馬一龍辛卯馬從謙癸卯沈紹
慶隆慶丁卯莊允中俱南直隸人正統辛酉章以占甲
子司馬恂天順壬午鄭宏弘治戊午孫青辛酉謝丕嘉
靖壬午周禪巳酉孫鋌俱浙江人成化丙午羅玘江西
人宣德壬子宋雍隆慶庚午李廷機萬曆癸酉柯挺俱
福建人嘉靖丁酉鄭光溥山東人宣德乙卯鄒冕河南
人嘉靖乙卯楊濂四川人自萬曆壬子宋鳳翔以浙人
領解此後必北直隸人居首矣南京解元其初亦不盡

南直隸人如正德庚午許繼先嘉靖戊子許仁卿俱浙
江人洪武甲子廖孟瞻丙子尹昌隆永樂辛卯徐則寧
嘉靖壬子孫溥俱江西人洪武庚午黃文史永樂戊子
黃壽生俱福建人也夫科場取士期于得人莫非王臣
議者必欲區別之名從公而實私也至于鄉試分南北
卷北止五處而南十處其取數則均會試分南北中卷
廣東置南卷而安慶則置中卷名爲均而實不得其均
者北人不肯言南人不敢言遂垂之爲不變之法矣兩
京求舊錄

洪武庚午應天鄉試長泰黃文史以作全場五經題領
解至天啓甲子閩人顏茂猷亦作五經題膽錄官嫌其
違制止膽四書義三篇易義四篇以人同考官郝彪佳
取之既放榜始知爲五經也崇禎甲戌會試以知貢舉
林銓言士子有作五經全題者得俱膽進允之於是茂
猷亦中式禮部刻會試錄特旨命題顏茂猷姓名于第
一名李青之前蓋異典也至十年丁丑臨川揭重熙十
六年癸未嘉興譚貞良慈谿馮元嘯武鄉趙天麟皆以
五經舉鄉會試又萊陽宋瑚十二年己卯亦以五經中
山東鄉試聞丁丑科會試作五經題者四人止重熙一
人得雋其三人姓氏不可得而舉矣棘闈記
國朝京官俱不用繖惟考試官入場狀元歸第乃得用
之明良記

觀象臺在城東南隅臺上有渾天儀鑄銅爲器四相以
銅龍架而懸之又有簡儀狀相似而省十之七止周圍

數道而已玉衡亦以銅為之如尺而首尾皆曲有二孔對孔直闕以候中星又有銅毬左右轉旋以象天體以方函盛之函四周作二十八宿真形南面有正統御製銘臺下小室有量天尺鑄銅人捧尺北而室穴其頂以候日中測景之長短中為紫微殿殿傍有銅壺滴漏其簡儀乃耶律楚材製春明夢餘錄

至元十六年建司天臺于大都儀象圭表皆銅為之元史

元興定鼎于燕儀象之器其初襲用金舊而規環不協於是太史郭守敬出其所製簡儀仰儀及諸儀表皆臻于精妙蓋有古人所未及者權庵小乘

儀表今司天渾儀宋皇祐中汴京所造不與此處天度相符比量南北二儀約差四度表石年深亦復欹側乃盡考其失而移置之既又別圖爽塏以木為重棚創作簡儀高表用相比覆又以為天樞附極而動昔人嘗展管望之未得其的作候極儀極辰既位天體斯正作渾天象象雖形似無適所用作玲瓏儀以表之矩方測天之正圓莫若以圓求圓作仰儀古有經緯結而不動公則易之作立運儀日有中道月有九行公則一之作證理儀表高景虛罔象非真作景符月雖有明察景則難作闕几曆法之驗在於交會正日食月食儀天有赤道輪以當之兩極低昂標以指之作星晷定時儀以上凡十三等又作正方案九表懸正儀座正儀九儀凡四等

爲四方行測者所用又作仰規覆矩圖異方渾蓋圖日
出入永短圖片五等與上諸儀互相參考

名臣事略

舊儀旣多蔽礙且距齒但有度刻而無細分以管望星
漸外則所見漸展尤難取的郭公所爲儀但用天常赤
道四游三環三距設四游于赤道之上與相套在內同
附直距于四游之外與雙環兩間同結線距端凡測日
月星則以兩線相望劈取其正中所當之刻之度之分
之杪之數舊表公尺謂夏至之景尺有五寸千里而差
一寸唐一行已嘗駁議公所爲表五倍其舊懸施橫梁
每至日中以符竅夾測橫梁之景折取中數與舊表殊

元文類

元立簡儀爲圓室一間平置地盤二十四位於其下屋

背中間開一圓竅以漏日光可以不出戶而知天運前
代立八尺之表以量日景故表短而晷影短尺寸易以
差元立四丈之表於二丈折中開竅以量日景故表長
而晷影長尺寸縱有毫杪之差則少矣玲瓏儀鏤星象
于其體就腹中仰以觀之此出色目人之制也

草木子

姚燧簡儀銘舊儀昆侖六合包外經緯縱橫天常表
帶三辰內循黃赤道交其中四遊頰仰鈞簫凡今改
爲皆析而異絲能疏明無窒于視四遊兩軸二極是
當南軸攸杳下乃天常維此欹傾取軸架應鏤以百
刻及時初正赤道上載周列經星三百六十五度奇
贏地平安加立運所履錯勒千隅若十二子五環三
旋四衡孳焉兩綴闕距隨振留遷欲知出地究茲立

運去極幾何卽遊是問赤道重衡四弦末張上結北
軸移景相望測日用一推星兼二定距入宿兩候齊
視巍巍其高莫莫其遙蕩蕩其大赫赫其昭步俾之
間肆所曠攷明乎制器運掌有道法簡而中用密不
窮歷校古陳未與侔功猗歟皇元發帝之蘊昇厥義
和萬世其訓 牧庵集

又仰儀銘不可形體莫天大也無競惟人仰釜載也
六尺爲深廣自倍也兼深廣倍挈釜兌也振漑不洩
繚以滄也正位辨方日子卦也橫縮度中平斜再也
斜起南極平釜鐵也小大必用入地畫也始周浸斷
浸極外也極入地深四十太也北九十一赤道餘也
列刻五十六時配也衡竿加卦與坤內也以負縮竿

子午對也夫旋機杖款納器也上下懸直與鐵會也
視日漏光何度在也賜谷朝賓夕餞味也寒暑發歛
驗進退也薄蝕終起星生殺也以避赫曦奪日害也
南北之偏亦可槩也極淺十七林邑界也深五十二
鐵勒塞也淺赤道高人所載也夏短冬永猶少差也
深故赤平冬晝晦也夏則不沒永短最也二天之書
曰渾蓋也一儀卽揆何不悖也以指爲告無煩喙也
闇資以明疑者沛也智者是之膠者怪也過者巧曆
不億輩也非讓不爲思不逮也鼎窺天朕造物愛也
其有俟然昭聖代也太山礪兮河如帶也黃金不磨
悠久賴也鬼神禁訶庶勿壞也 同上

楊桓渾象銘於昭聖皇德維天希密察乾坤動符化

機乃命大史考順求違制器象天具體而微度數基
布星次珠輝道分黃赤擬議圓規兩極低昂中主璇
璣匱方象地極樞以維地本天函術取外圖反而觀
之其趣同歸體雖至約用足明大象設目前人居天
外觀天之裏合象之背日月交錯五行進退造化無
窮不出戶內始終參求簡儀是配於昭聖皇夙夜睿
思先天天合後天奉時先後惟天聖皇無爲元文類
又玲瓏儀銘天體圓穹三辰在中星雖紀度天實無
窮天度之或環周三百六十五度四分度一因星而
步推日而待月次十二往來盈虧五星參差進退有
期判爲寒暑分爲四時太史司天咸周周知制諸法
象各有攸施萃于用者玲瓏其儀十萬餘日經緯均

布與天同體協規應矩徧體虛明中外宣露元氣森
羅莫計其數宿離有次去極有度人由中闕目卽而
喻先哲實繁茲制猶未逮我皇元其作始備實困于
理匪鑿于智於萬斯年寶之無墜同上

又高表銘聖人修政唯農是本農之所見時則爲準
過與不及民安究之動措由中聖人授之時在于天
術何以得制器求之乃見天則日月周運閏餘歲成
盈虛消息在表斯徵分天既辨氣序乃會朔晦一定
弦望由對爰演斯曆用詔民時百工允治庶績用熙
表中以正圭平以直不言而喻與時偕極天德芒芒
參以明焉民生皞皞振以典焉惟昔八尺景促分密
爲用雖可每艱辨析聖皇御極百度維新乃五其芒

其用益神表高之法先哲匪憚其顛景虛取酌定息
表梁上陳景符下依符窳得梁景辰精微揆月有方
闕凡是映几限容光圭表交應器術之密推步之精
歷古于今斯畢其能上天之載無聲無臭聖皇取刑
在其左右仁民奇物以對天祐眉壽萬年寶茲悠久
同上

吳師道九月二十三日城外記遊作杪秋暇日休弦
歌五門城外觀新河斗門決水已數日淺沙漫漫血
餘波縱橫疏鑿引別派監官督役猶揮訶循堤側足
懼疏惡驚見崩拆當盤渦故橋舊市不復識祇有積
土高坡陀城南靡靡度阡陌踈柳掩映連枯荷清臺
突兀出天半公光耀日如新磨璣衡造製此其的衆

環倚益森交柯細書深刻皇祐字觀者嘆息爭摩挲
司天貴重幸不毀回首荆棘悲銅駝長春宮苑最宏
麗飛樓湧殿凌層坡喬松夭矯百歲物復有偃蓋低
婆娑平生素聞百一帖樂石壁置周簷阿金源中葉
盛文物玉堂學士鏘鳴珂旁搜帑墨作藻飾欲與唐
晉爭嗟峨至今摹榻傳好事道士卻換人間鷺仙盃
珍襲巨桃核御書雲鶴題宣和不知何處有此木偶
爾結實良非他瑤池漢殿語茫昧遂使世俗猶傳訛
尋幽訪古意未已起視落日歸禽多卻趨林亭憇清
絕盆菊采采黃金窠蟹螯斫雪新醞碧對此不樂將
如何京華酒壚萬歌舞錦鞵翠袖迎嬌娥儒冠已受
俗子笑况復衰容雙鬢備下帷閉閣來跡少翫麟不

肯侯門過清遊良友幸追逐未忍返棹尋魚簞今朝
不飲心已醉笑看坐客朱顏酡鳳城半掩歸路暝爭
道擊鞞如飛梭九衢冥濛漲塵霧漸見燈火稀星羅
作詩寫實不可緩馬上已復成微哦

吳禮部集

按元之都城在東北白馬廟柴市瓊華島皆
在南城今之觀象臺則在南城之外讀吳正
傳城外紀游作可信已

正統二年二月行在欽天監監正皇甫仲和等奏南京
觀星臺設渾天儀璿璣玉衡簡儀圭表以闡測七政行
度凌犯遲留伏逆北京齊化門城上觀測未有儀象乞
令本監官一人往南京督匠以木如式造之赴北京較
北極出地高准驗然後用銅鑄造庶占象不失從之

四年十月造渾天儀璿璣玉衡簡儀五年九月御製觀
天之器銘

英宗實錄

英宗御製觀天器銘粵古大聖體天施治敬天以心
觀天以器厥器維何璿璣玉衡璣象天體衡審天行
歷世更代垂四千禩沿襲有作其制寢備卽器而觀
六合外儀陽經陰緯方位可稽中儀三辰黃赤二道
日月暨星運行可考內儀四游橫簫中貫南北西東
低昂旋轉簡儀之作爰代璣衡制約用密䟽朗而精
外有渾儀反而觀諸上規下矩度數方隅別有直表
其崇八尺分至氣序考景咸得絲象在天制器在人
測驗推步靡忒毫分昔作今述爲制彌工旣明且悉
用將無窮惟君勤民事天首務民不失寧天其予顧

政純於人天道以正勒銘斯器以勵予敬同上

景泰中欽天監奏觀星臺在東城上喧擾不便而屋宇
墻壁多壞乞徙至東長安街臺基廠則高與西長安街
二塔相對足為青龍白虎之象於堪輿家所言形勢相
宜帝允其請六年三月造內觀象臺簡儀成八月以勞
擾罷徙實錄

弘治十四年十二月改造觀象臺渾儀及簡儀孝宗十
紀

先是欽天監監正吳昊請改造觀象臺原製渾儀及修
改簡儀禮部請令監正張紳議之紳謂原製渾儀時未
經校勘黃赤二道相交于牽軫不合今之四正陽經故
南北圓軸不合兩極出入地度陰緯而東西闕管又不

與太陽出沒相當是以推驗無準從前不用簡儀雖用
以測驗然當時鑄造雲柱頗短小亦稍不合天樞故推
測經星去極亦有差謬今改造渾儀宜以赤黃二道改
交于壁軫則與今之四正陽經相合而圓軸闕管亦無
不相合相當者簡儀雲柱則比舊少加高大足矣禮部
復請令紳等呈木樣至是樣成禮部請如昊等所奏從
之孝宗實錄

嘉靖二年九月修觀象臺占風箏及渾天儀簡儀世宗
實錄

京師城東偏有觀象臺高五丈許其上有渾天儀一具
如世所圖璇璣者皆鑄銅為器四柱以銅龍架而懸之
製作精巧又有簡儀一具狀相似而省十之七只周遭

數道而已玉衡一亦銅爲之如尺而首尾皆曲有二孔對孔直窺以候中星又有銅毬一左右轉旋以象天體以方函盛之函四周作二十八宿真形南面有御製銘正統七年作也臺下小室有量天尺鑄銅人捧尺北面室穴其頂以候日中測景之長短冬至後可得一丈七尺夏至後可得二尺云中爲紫微殿殿傍有銅壺滴漏一器然皆不注水徒虛具耳

五雜俎

觀象臺一名瞻象臺高百尺許與城堞女牆並峙距棘闈咫尺耳上有璇璣玉衡渾天立運諸儀傳爲耶律楚材所製乃正統十一年倣元人所製也

燕都遊覽志

今京師吳閻逼城觀象臺之巔有渾天儀其質皆銅有四柱以龍承之懸儀于上製作精工銅亦以漆作紺色傍另有一儀式小不及其半交道亦減又有玉衡如尺又有銅毬象天圖體外列二十八宿上刻正統七年御製銘予按此非本朝人所辦意必故元舊物按宋沈括云司天監銅渾儀景德中韓顯符所造依劉曜時孔挺晁宗解蘭之法天文院渾儀皇祐中舒易簡所造用唐梁令瓚僧一行法至熙寧括監太史局受詔改造渾儀置之天文院而移天文院舊銅儀于朝服法物庫蓋宋世渾儀有三金人入汴諸法物俱北去此固蒙古得之完顏者耳至正統而重修則有之且銘有昔作今述之句知非剏矣

野獲編

于慎行簡儀贊芒芒元運莫莫三辰警彼輻輳轉於一輪舊儀洵美而狀渾淪卓哉良史創物維新其新

匪他維舊而析四游兩軸當乎二極南軸攸杳天常
下直維北欹傾軸焉足式赤道上載列宿周天三百
六十五度寄焉舉機所運五環三旋去極之度游則
昭然囊括兩儀珠輝七曜象在靈臺不言而告邈矣
斯人何識之妙配皇等極昭茲神造穀城山房集
張一桂贊於惟帝王憲天出治敬天以心測天以器
爰稽往古實造渾儀考時布令仰觀俯闡厥體至圓
厥形左運璇璣玉衡推步斯調度刻雖具細分未全
以管望之漸外漸懸及勝國時郭太史氏逸覽幽探
獨臻至理實通舊制簡儀乃成四游上附直距外經
三距三環天常赤道結環距端遠近相較兩綫相望
于以測之日月極遠分秒適宜纖悉咸備惟精惟密

簡要可遵百世莫易我思古人大衍太初三樞七直
視此為踈赫赫皇朝損益前代尚象明時獨茲不廢
都城東隅崇臺巍然為國重器於萬斯年八音節課
般若庵在明時坊有勅建碑順天府志

嘉靖中在城東石大人衙衙石亨舊宅也亨誅宅沒入
官嘉靖中以賜仇鸞鸞敗復沒入官因改為鼓鑄公署
蓋鼓鑄一事其初惟屬工部至天啓二年始添寶泉局
屬之戶部而工部所鑄微矣春明夢餘錄

黃華坊四牌二十一舖有武學王府倉祿米倉武德衙
典武衛豹韜衛神策衛龍虎衛智化寺二郎廟五城坊
巷衛衛集

京衛武學始于正統六年除教授一員訓導六員教習

勳衛子弟以兵部司官提調之 春明夢餘錄

京衛武學其堂名明倫六齋各居仁由義崇禮弘智惇

信勸忠 實錄

吳寬武學設廟像記畧京師有武學所以教諸衛武
臣之子孫將世其官者其始建乎正統癸亥制尚弗
辨後朝廷以城東舊第賜故太平侯張公辭焉有詔
改爲學而以國子監丞閻禹錫掌學事成化己丑禹
錫奏請建廟特改明倫堂爲大成殿而以後堂爲堂
英國張公入謁歎曰學必有廟廟必有像聖賢繫此
獨用木主於廟制亦弗備聞故陸侍郎家有孔子并
四配像盡往請之於是侍郎之子華喜而言曰先人
爲此豈欲私於其家者哉遂以乙巳二月之吉興置

殿中奉安之祭告如禮 虬翁家藏集

順元年四月詔復王振官刻木為振形招魂以葬塑
像智化寺北祠之勅賜祠曰旌忠 國朝典彙

正德二年五月陞僧錄司右覺義性道為右講經僉押

管事兼智化寺住持寺乃故太監王振所建天順初賜

振碑文立旌忠祠于寺內以僧官主之至性道三傳矣

劉瑾欲效振所為故乞陞性道 武宗實錄

靖恭寺維摩庵俱在黃華坊有勅建碑 順天府志

京師黃華坊有東院有本司衛衛本司者教坊司也又

有勾欄衛衛演樂衛衛相近復有馬姑娘衛衛宋姑娘

衛衛粉子衛衛出城則有南院皆舊日之北里也 析津

正德中樂長臧賢甚被寵遇曾給一品服色相傳教坊司門曾改方向形家相之曰此當出玉帶數條聞者笑之未幾上有所幸伶兒入內不便詔盡宮之使入為鐘鼓司官後皆賜玉穀城山房筆塵

山倡伎皆以子為名若香子花子之類無寒暑必繫羅裳其良家仕族女子皆髡首許嫁始留髮冬月以括雞肋編 妾至面但加傅而不沐至春煖方滌去久不為風日所侵故潔白如玉也

京師倡家東西院隸籍教坊猶是唐宜春院遺意東院以色西院以琵琶藉勲戚以避貴遊之擾舊京遺事 萬曆丁酉冰華梅史以燕都妓女配葉子以代觥籌東院十九人郝筠魏寄李夜珠楊娟娟魏道蘊郝長王文

蘭李月仙郭子夜崔瓊崔新鶯張燕燕崔李昭崔
卿陳雪箏崔子羽焦燕如李十一西院四人李燕容屈
慧若屈文若柳五本司五人陳桂王壽段素如王燕如
郭狄前門十二人田瑤生劉越西左翠馮丑馮巧孫真
真田文舒劉宛宛董雙成吳文玉王良張六梅史者浙
沈水部託名也聞京師伎女以王雪簫為最而薛素素
才技過之且史

東院在總舖衙東城畔昔時歌舞地今寥寥數家如村舍兼之人握土為坏滿目坑塹從寒煙衰草中想走馬章臺之盛邈不可復尋猶記舊遊有陳家園郝家亭子樹石楚楚令并無存矣燕都遊覽志
東院之東舊有方家園廢建淨業庵於其址殿左廡

有鎮陽林潮書許魯齋先生演千字文以萬曆十一年
八月刻石嵌于壁其文曰太極之前此道獨立道生太
極函三爲一一氣既分天地定位萬物之靈惟人爲貴
太古結繩民醇而愚茹毛飲血穴處巢居伏羲畫卦始
造書契神農黃帝三皇繼治五帝少昊高陽高辛堯舜
揖讓傳中以心曆數在禹夏承虞禪謳歌歸子啓與扈
戰太康遊畋羿距於河仲康失權肩征羲和一成一旅
少康中興桀虐百姓天道禍盈應天順人殷湯革命咸
有一德伊尹元聖太甲放桐盤庚遷都武丁中興又終
獨夫文王事殷明夷蒙難武發開周首訪洪範成康持
守周召夾輔穆正訓行宣王復古幽惑褒氏大戎所伐
平王東轍國風遂降虛器尊周五百馳騁北聖春秋受
始魯隱七國爭雄蘇張縱橫孟軻仁義卒老於行孝公
強秦鞅變井田赧朝昭襄周祚以遷并吞六國始皇詐
狙罷侯置守焚書坑儒阿房長城賦役虐民二世子嬰
陳吳亡秦項起西楚劉興沛中項殺義帝劉從董公轉
戰五年資謀三傑灌嬰垓下始定漢業高帝忘功誅臨
械繫溺愛戚姬欲立如意良招四皓幼惠遂定呂雉叱
晨房闈出政陸賈計行平勃交驩祿產就誅劉氏乃安
文帝恭儉詔半爲農景帝遵業醇厚民風武承富庶始
建年號窮兵雪耻末年戒耗立昭繼武功歸霍光孝宣
中興道雜霸王元成哀平權移女黨張禹佞諛乃生王
莽十有四年亂生新室更始劉盆王尋王邑光武中興
羣盜乃滅寇鄧元勲耿賈世烈天下平定進用文吏退

全功上封縣數四禮優嚴陵占動太史二百年間名節
奮起明帝苛察章帝寬厚和誅竇憲殤終襁幼安雖享
御權歸外戚北鄉弗永順淪變習冲劣質聰弒於跋扈
桓誅梁冀陳李黨銅靈委宦孽黃巾嘯聚進呂董卓獻
終漢緒曹丕稱魏劉備興蜀孫權號吳三國鼎足混于
西晉都于洛陽武惠懷愍劉愍所亡元帝南渡一馬化
龍建康再振爲晉之東明成康穆哀廢簡帝武安僞楚
恭遜劉裕東晉之弊起于浮誇清談之極五胡亂華宋
齊梁陳元魏東西南北瓜分後周併齊隋文混一始盛
開皇煬帝窮奢恭帝禪唐唐高祖之興太宗之誅閹門漸
德責以春秋田以租調兵以府衛七百餘員首定官制
貞觀仁義髣髴三代本根不正隨亦闕壞再傳高宗已

女禍李勣一言唐業幾墮武后稱制欲立三思倘非
仁傑孰引東之中宗復辟嗣興常后睿遜玄宗以功授
受開元太平天寶昏亂貴妃內惑祿山外叛肅宗卽位
大分安在中興有頌功不贖罪代宗中材德宗猜忌奉
天所倚陸贄仁義順在東宮陰賜天下憲任裴度平淮
有雅惜其晚年禍生不測穆敬昏庸不能討賊文宗銳
意太和清明僅殺弘志莫正典刑輕用訓詁禍成甘露
武用德裕遂平澤潞宣宗寬恩唐昭宗以衰懿僖昭哀遂
不可支唐患非一用黨閹寺藩鎮強大宣武篡弒朱梁
李唐至于石晉劉漢郭周是爲五閩錢馬高揚承襲割
據李王孟劉各復僭僞兵變陳橋宋祖卽位尅平中夏
以國傳弟九葉中衰江左六裔遼金據華亦各九世天

睿地願篤與我元四海會同本枝萬年稽古提綱維此
于言按耶律祭酒有尚為先生作者歲略述先生所著
有小學大義讀易私言孟子標題又有四箴說中庸說
謂維出于眾手而獨不及此篇故具載之 析曹日記
恩城坊五牌二十一舖有忠義前衛燕山右衛蕃牧所
東城兵馬司百萬倉老君堂延福宮水月寺 五城坊巷
新衛集

大慈延福宮延壽觀俱在恩城坊有勅建碑 順天府志
京師寅賓里有無量壽庵者居士屠君所建也君名文
正山陽人事其親至孝至元元年大兵驅至開平日夕
思念其母南望悲泣因禮佛絕葷酒十有一年還至大
都師事華菴滿禪師于慶壽寺滿禪之曰居士時宋已

內附編字混一私喜可見其母亟馳書候之母已沒矣
居士躡踊號慟若不欲生二十一年出已貲七百貫買
地十畝于太廟之西作無量壽庵樹佛殿四楹屋宇像
設無不具足浚井治圃手植嘉木二十七年四月七日
沐浴更衣書頌俄有白虹從西南下垂庵中廣數丈如
飛橋微雨灑道居士踟躕而逝葬諸太史莊之阡皇慶
二年遇災菴燬子覺與哀金于好施者復謀營建未幾
規制悉還其舊 說學集

按元時太廟門外馳道抵齊化門之通衢無
量庵在太廟之西昔之寅賓里當在今之思
城坊也

南居賢坊六牌三十六舖有海運倉永豐觀洞陽觀正

五城坊巷衢集
覺寺福安寺聖姑寺慧照寺

張居正勅建承恩寺碑臬帝命司禮監太監馮保買地于都城與隅居賢坊故太監王成住宅特建梵刹外為山門天王殿左右列鐘鼓樓中為大雄寶殿兩廡為伽藍祖師殿後為大士殿左右庫房禪堂方丈香積僧房凡九十五寺成官僧人志善為僧錄司左善世以住持之而賜名曰承恩工始于萬曆甲戌告成于乙亥

太岳集

靈藏寺舊名觀音寺正統十一年重修天順元年改今

名明一統志

慧照寺福安寺正覺寺俱有勅建碑順天府志

遼重熙清寧開築義井精舍于開陽門之郭傍有古寺

謂涼滑甘因以名焉金天德三年展築京城仍開陽之名為其里大定中僧善祖營寺朝廷嘉之賜額大覺貞祐初天兵南伐兵火之餘寺舍悉為居民有之戊子春宣差劉從立與其僚佐高從遇輩請與公和尚為國焚修因革律為禪奧公整常住之所有續換寮舍瑞像殿之前無垢淨光佛舍利塔在焉幾什至是完葺繼有提控晉元者施蔬圃一區于寺之南以給眾用庚寅冬劉公以狀聞朝廷請以招提院所貯餘金一藏遷于本寺安置許之於是創建壁藏斗帳龍龕一週凡二十架飾之以金續之以彩計所費之直白金百笏既成請湛然居士為記

湛然居士集

萬松老人住持大覺寺榜其齋曰昨夢同上

北居賢坊五牌二十八舖有濟陽衛大寧衛燕山右衛
義勇左衛北新倉太庫倉五岳觀元寧觀報恩寺栢林

寺金太監寺五城坊巷衛衛集

正統十年五月以在京居賢崇教二坊草場築倉收糧
實錄

五岳觀宣德元年建寰宇通志

報恩寺天順元年更名昭寧寺大學士李賢撰碑析津

石記

洪武元年八月天兵定燕都危學士素走報恩寺備身
入井寺僧大梓挽出之謂曰國史非公莫知公死是死
國之史也危由是不死翰林待制黃殷士嘔投居賢坊
井中從人張午負以出口君小臣而死社稷耶黃曰齊

史兄弟皆死小官彼何人哉午使家人環守至日晏

會大將軍徐達下令勝國之臣俱輸告身黃給午取告

身午出還求勿得亟往視井則黃已死午買棺以殮且

宮墜焉餘冬序錄

栢林寺在國子監之東有夏景金湜包琪潘暄陳政楊

煥孟陽司馬恂于此分韻賦詩寺僧彙而成冊朱之蕃

跋其尾燕都遊覽志

萬善寺在北居賢坊有勅建碑順天府志

舒芬東城公署記御史之巡視東城者舊有分署在

南新倉之西前為堂三門後為寢三間左右廂成一

間其正面為墻庭亦偏側其門在西南隅西向書號

大房然湫隘御史多弗居之遂頽弊歷茲年所曾無

改作之者以京朝官私署欲近朝多卜于西城是特
為休舍而巡視者且歲易爾甲申楊君惟賢職是城
乃大省子心以每日則有內外八坊人民囂囂之所
當飭水陸商販竹木之所當譏軍民捕邏奸匿之所
當詰每月則有七十二衛官軍俸糧之所當給每歲
則有東西四百萬石糧運及漕吏漕卒幾千萬人之
所當稽糾蓋公移私牒日不啻千人俾就西城次且
候伺則近者十餘里遠者四十餘里計其往來則尤
遠者日奔走百里寒而疾暑而暘風雨饑罷之侵凌
人大不堪顧分署不可結駟矧日萃千百人以下命令
之而巷街阨塞不可結駟矧日萃千百人以下命令
則非所以所瞻視肅風紀也乃因舊址增修墻廡為

私署以居家人于其右買民地若干步建正堂三間
為公署堂之前為墻其庭除縱廣若干步可置一旅
其左為廂房三間以貯簿書以寓府史廂之南為小
門一間以入私署其右稍邈為門屋五間中一間稍
高為正門西向兩掖為屬吏候館垣于外而反向除
焉以遠市誼以屬耳目掖之北為小屋三間以休輿
皂挾日工告成事會之則凡地之費若干木石之費
若干梓匠陶瓦之費若干然非取諸民也諸城舊設
修司戶楊君惟賢不他役之耳故甘心焉子來而木
石之有不足則內總督太監某戶部監督主事某又
稽諸修倉羨材以贊成之美輪美奐其可以稱察院
哉既而楊君欲以此意告夫來者來問記予以是役

也固以見惟賢舉措不苟之一端然勞一身以逸千
萬人亦今之賢者所惜也宜特記之 梓谿集

曹履吉重修京糧廳碑國家歲漕東南四百萬粟以
實京邊特於戶部左右曹外別領以總督號曰後部
而以倉部郎隸之倉部舊署稱東官廳嗣以通州截
漕歲五之一就邊軍使置通糧廳而東官廳改稱京
糧廳總京倉五十有二分六司屬監督焉廳寢室南
向堂東向額曰成裕東北築臺內有藏書室 博望山
人稿

寶磬寺在城內東元建永樂十年重修

寰宇通志

園亭之在東城者曰梁氏園曰楊舍人泌園曰張氏陸
舟曰恭順侯吳國華爲園曰英國公張園成國公適景

園後歸武清侯李曰萬駙馬曲水園曰冉駙馬宜園

故仇鸞所築鸞敗歸成國公後歸于冉

燕都遊覽志

薛蕙宴故英國公山亭卽文皇帝賜第一首東第君
王賜西園賓客來將軍原好士公子復憐才玉袖花
間出金尊竹下開還須明月上莫畏夕陽催 西原集

日下舊聞卷十二終

日下舊聞卷十二補遺

城市三 東城

國朝鄉試直隸取百名加國學三十名又雜行五名不拘僧道官吏各省來者皆可中之故曹鼐以典史解糧赴京中北直隸鄉試而廷試為狀元今雜行無中者矣耳譚

翰林凡武舉徹簾後同考官及掌卷官置酒請主考官主考答席順天鄉試後兩京兆置酒請主考監試主考監試亦答席會試同考于徹簾後釀金為會掌科主辦其兩京鄉試事畢四主考合請衙門前後輩謂之鷲頭會眉公見聞錄

宋真宗時司天冬官正韓顯符造銅候儀本李淳風遺

法嗣後沈括蘇頌等造儀象浮漏亦臻奇巧自靖康之亂儀象之器盡歸于金元都燕其初襲用金舊而規環不協難復施行太史令郭守敬盡考其失創作諸儀從古儀象測驗之精無能出其右者至今簡儀仰儀圭表影符等器在觀象臺古今律曆考

揭侯斯銅儀詩法象坤儀重來從汴水遷飛龍纏四極黃道界中天望絕秋毫末循衣太古前荒臺明月夜應有淚潺湲秋官集

京師東院本司諸伎近無佳者惟史金吾宅後有薛五素素姿度妍雅能書作黃庭小楷尤工蘭竹下筆迅掃各具意態又善馳馬挾彈能以兩彈丸先後發使後彈擊前彈碎于空中又置一彈于地以左手持弓向後以

右手從背上反引其弓以擊地下之彈百不失一也乙利言

弘治癸丑五月明時坊白晝有二人入巡警舖久不出管舖者疑之推戶入視但見衣二領委壁下衣旁各有積血而不見其人菽園雜紀

高工部道素初名斗光萬曆丙辰公車入都乞夢于泡子河呂公堂夢黃冠告之曰君與高斗光同年答曰是吾名也黃冠曰君乃是高道素寤而異之遂更名後三年己未榜發中第三十六名其同榜第九十名爲高斗光山東嘉祥人也聞史掇

成化丙戌進士三百五十二八豐城羅公倫以建言出爲市泊提舉蘭溪章公懋莆丘黃公仲昭江浦莊公景

以諫燈市獲罪謫外越十年在京師者百人會于報恩寺華亭張公弼作同年會誠載東海集中寺於天順元年更名昭寧矣而張公文猶循其舊稱也薊丘雜抄元于大都腹裏設稅務七十三處其在京城者猪羊市牛驢市馬市果木市煤木所有宣課提舉司領之利網雖密然自酒醋而外若魚蝦藥果之屬以及書畫棗席草屨篠帚甄瓦柴炭諸色燈銅鐵綾麻縵苧綿草索麵貨皆爲不合稅之物比于明崇文門稅課條目疎矣稼堂雜抄

宋解試諸路並以八月五日鎖院而福建則用七月川廣則用六月以道遠故也南渡後闔廣改同諸路試期紹興二十四年有詔太學及諸路並以中秋日引試惟

四川則用三月十五日焉元鄉試以八月二十日二十三日二十六日明改從八月九日十一日十五日元會試以二月一日三日五日明改從二月九日十二日十五日元御試以三月七日明改從三月十五日蓋歷代鎖院爲期不同如是至于試士之地金源或于竹林寺或于懋忠寺茂有定所元則試于南宮明之貢院卽元之禮部舊署也蓋試士於此者四百有年矣雅坪叢錄大慈延福宮在思城坊成化十七年建以奉天地水府三元之神有弘治十七年勅刻于石寄園寄所寄錄隆慶元年清明日京師甚和暖晚間風雪交作寒冽異常次日九門報城外凍死者一百七十人崇文門下乘轎婦人母子俱死轎中轎夫亦死轎下戒菴漫筆

北京栢林寺一僧房可崇山東二舉人會試入京從寺僧假寓僧拒不可強之至夜主僕四人同臥一室二舉人一醉一醒更深聽忽遍聞醒者見黑漢七人跳入將醉者昇至床下二僕皆作魘語天將明仍一一跳出窗外醒者呼醉者語之故荅曰吾亦知之但口欲呬不能出聲耳於是起就僧借鋤從牕外掘之得鐵鍋大小七隻急擊碎之鑄成香鑪至今存焉暖妹由筆

王氏耳談謂直隸鄉試額取百名外國學三十名雜行五名故曹鼐以典史解糧赴京得中鄉試而廷試爲狀元今雜行無中者矣按曹文忠以永樂癸卯中順天鄉試本由諸生宣德初授代州學正上書願得劇職自效改江西泰和縣典史督工匠赴京乞與會試遂中癸丑

榜第二人廷試第一王氏謂以典史中鄉試誤也至文忠第後雜行中式者不乏景泰癸酉吾鄉呂文懿公原典順天鄉試中式者二百五十人內翰林院譯字官一人吏部聽選官一人戶部書算一人禮部儒士十人刑部都吏一人工部承差一人太醫院醫士四人武生一人衛令史一人衛吏一人衛舍人一人軍餘九人軍一人雜行中者凡三十五人焉載考國子監歷科進士題名碑正統壬戌則有長樂李森都察院吏也樂清南昱刑部吏也豐城鄭溫松陵驛丞也戊辰則有奉化舒廷謨禮部辦事官也潛山汪甫燕山衛小旗也景泰甲戌則有潛山吳楨錦衣衛譯字官也天順癸未則有巴縣劉淳翰林院譯字官也嘉定馬愈欽天監天文生也成

化戊戌則有瀘州譚溥山東舊縣驛丞也甲辰則有宣城張綸富峪衛總旗也寧遠王璠岷州衛吏也蓋自是而後雜行中式者乃鮮矣薊丘雜抄

北闈考試官出東長安門乘輿詣順天府宴宴罷入闈此撒棘仍騎馬歸闈中略做會試體用中書官寫白紙題卷入大竹筒加小銅鎖外用黃絹裝裹具香案拜府丞鼓樂接出進呈宦夢錄

日下舊聞卷十三

城市四 西城

阜財坊四牌二十鋪過象房橋有王恭廠燕山左衛真如寺承恩寺圓洪寺保安寺望鄉臺五城坊巷街衢集象房在宣武門西城墙北每歲六月初伏官校用旗鼓迎象出宣武門濠內洗濯長安客話

象初至京先於射所演習故謂之演象所而錦衣衛自有馴象所專管象奴及象隻特命錦衣指揮一員提督之凡大朝會役象甚多駕輦馱寶皆用之若常朝則止用六隻耳所受祿秩俱視武弁有等差其在象房人有入觀者能以鼻作聲栗銅鼓聲觀者持錢畀象奴如教獻技又必斜睨象奴受錢滿數而後昂鼻俯首嗚嗚出

聲將病耳中先有油出名曰山性發則預以巨繩縻繫之管象房緹帥申報兵部上疏得旨始命再驗發光祿寺距其斃已旬餘穢塞通衢過者避道大庖何嘗需此殘齕京師彌文大抵皆然也

野獲編

今朝延午門立仗及乘輿鹵簿皆用象不獨取以壯觀以其性亦馴警不類它獸也象以先後為序皆有位號食饗品料每朝則立午門之左右駕未出時縱遊齧草及鐘鳴鞭響則肅然翼侍俟百官入畢則以鼻相交而立無一人敢越而進矣朝畢則復如常有疾不能立仗則象奴牽詣他象之所面求代行而後他象肯行不然終不往也有過或傷人則宣勅杖之二象以鼻絞其足踣地杖畢始起謝恩一如人意或貶秩則立仗必居所

貶之位不敢仍常立甚可怪也六月則浴而交之交以水中雌仰而浮合如人焉蓋自三代之時已有之而晉唐業教之舞及駕乘輿矣此物質既麤笨形亦不典而靈異乃爾人之不如物者多矣

露書

象入北土從不生育近年京師象房生一象人以未見其交而孕為異閱曲靖程兵備于周客滇偶筆乃知象孕十二載乃生來滇始足十二載耳

雲谷野餘

獸之蠢者莫甚于象然其性最警立仗有疾則詣他象求替入朝遲誤則伏而受箠有罪貶降則退立所貶之伍不敢復居故班行止舉動一受象奴之意旨物之最靈又莫象若也許氏說文謂象三歲一乳而段氏酉陽雜俎則謂象孕子五歲始生程氏客滇偶筆則云孕十

有二載乃生其說各異程氏又言象必擇人跡不到處
交感鄜氏亦雅則言象交于水卷樹葉蓋之見人則羞
必起逐之今京師洗象觀者且千人相傳洗時必交于
水殆不然也兩京求舊錄

真如寺北向以其背象房而立也寺南松檜榆槐森遶
皆象房樹寺在元季爲定力院南向今之象房是其山
門蓋象房初設于報國寺古松之畔以隔城致羈赴闕
乃割定力院爲駐象所燕都游覽志

天啟丙寅五月六日王恭廠忽震裂響若轟雷平地陷
二坑約長三十步濶十三五步深二丈許是日京師婦
女凡肩輿出行者皆於輿中自去其衣衣若有物攝之
從空飛去墮昌平州雪廬叢書餘藁

王恭廠震日石駙馬街有石獅重五千觔飛出順城門
外頌天臚筆

王恭廠署在都城之西南隅天啟五年六月忽大震拔
大槐二一餘株根在上而稍在下近廠房屋傾倒木在
上而瓦在下殺數千人乃改卜于西直門街北建廠熹
廟賜名曰安民無中

天啟六年五月朔人或見都城隍廟唱名厚載門火神
廟紅毳滾出次前門城樓角有數千螢火忽併合如車
輪至初六日巳時王恭廠災震所作乾清宮御案皆碎
建極殿飛瓦殺人御史何廷樞濬雲翼被震死全家覆
入土中自順城門大街北至刑部街盡爲齏粉有女人
衣飾盡而身存其同伴頭去比肩無恙有從空墜人頭

及鬚髮耳鼻大木遠落密雲石獅擲出
西山樹杪銀錢器皿飄至昌平闕武場中崇禎十一年
六月二日安民廠又災貼廠太監王甫局官張之秀俱
斃八月復災緩寇紀畧

承恩律寺在都城西南隅寺趾卽古雪堂爲戒壇下院
忘宗純皇帝勅賜知幻禪師以戒律開山至王恭廠火
變之後益就傾圮燕都游覽志

吉祥寺在城內西元泰定間建寰宇通志
寺在城西南隅萬曆丙午重修改名石鐙菴林黃輝
陶望齡集縉紳於此放生其後林增志踵行之尤盛春
明夢餘錄

石鐙菴在承恩寺之右迨王恭廠火繼之菴亦灰燼矣燕

都游覽志

菴舊名吉祥萬曆丙午西吳僧真程白雲棲來居發古
甃下得石幢一式如鐙臺傍鐫般若心經一部唐廣德
二年少府裴監施朝請郎趙偃書黃儀部汝亨過其地
以菴甫治而鐙適出遂手書額稱石鐙菴焉帝京景物
畧

陶崇政石鐙菴碑畧次南師杖錫北游干都城之西
南隅菴曰吉祥者以居焉發古甃下得石幢一枚如
燈臺式傍鐫般若心經宛如聖教序唐代宗時成已
郡夫人敬造若爲度生施食用者燕都游覽志
宋啟明石鐙菴記次南上人癸卯歲飛錫京師駐菴
名吉祥剪除叢莽掘地得石鐙柱一座柱刻心經一

卷係廣德二年少府裴監所施乃以名菴長安可游

正德八年四月令大興宛平二縣撥佃戶二十於護國保安寺以仁灑掃武宗實錄

是時上誦習番經崇尚其教常被服如番僧演法內殿保安寺大德法王綽吉我些兒出入豹房與諸權貴雜處同上

嘉靖二年五月以江彬錢寧入官房及故保安寺改爲燕山府軍等衛凡十五所世宗實錄

刑部在皇城西與都察院大理寺並列爲三法司春明夢餘錄

刑部福建司軒曰由露貴溪江以朝爲郎時甘露降于

軒前壁中耳談

嘉靖間李攀龍王世貞徐中行輩俱官西曹白聚論詩建白雲樓于四川司中榜諸君詩李詩警句云諸山城上出落日署中寒時人目刑部爲外翰林客燕雜記

國初比部之制分爲十二其雲南隸陝西部永樂間安南內屬置交趾司又析雲南四川之交爲貴州置貴州司方定都之初百務草創率皆權寓蒞事今城隍廟西借薪司俗呼舊刑部是也彭惠安公集

彭惠安韶在刑部司舊有五顯廟公命碎其像易以清獻趙公神主西園聞見錄

明旨宗刑部箴聖人制刑輔治弼教掌邦之禁惟仁

之蹈咨爾刑部卿佐暨屬惟公乃明惟明能燭匪廉
 弗公勉篤于行惟敬惟慎毋忘哀矜死獄求生何昔
 之德移情就律何今之刻深文巧詆實民之賊如鑑
 如衡刑乃弗忒毒威以逞下情鬱理私意以行枉直
 失真司命之寄豪絲罔僻罪疑惟輕庶鮮冤抑天不
 可違民不可罔斷不可續應則如響往體予仁欽哉
 勿渝庶幾祥刑有永令譽

官箴

都察院在皇城西

春明夢餘錄

御史差委在內則京畿道劄卷及巡視京營提學巡倉
 巡庫巡視光祿清恤鹽課在外則巡按清軍劄卷巡鹽
 巡河巡關巡茶印馬屯田遇有征行則特遣監軍紀功

西垣筆記

明宣宗都察院箴歷代建官皆有御史任之耳目
 以綱紀糾違繩愆激濁揚清用獻嘉言惟直與明祖
 宗之制有長有貳其下之屬凡十有四敷達民隱舉
 察官邪必究大體毋尅毋煩必由中道毋過不及毋
 以賄遷毋以勢懾敦仁之存篤義之行冰霜之清松
 柏之貞凡爾憲臣敬慎以勗庶幾朝政資爾以肅姦
 姍緘默徒取充位職是用弛國則何賴必端諸心必
 修諸已庶懋爾績庶輔予理

官箴

徐階京畿道題名記御史以監察為職出入中外激
 揚刺舉無避大吏京畿道又在十三道之右為特置
 焉說者謂始以僉都御史領之後乃易以御史之久
 次者然其沿革不見於會典而今兩京畿道印其一

有文曰洪熙元年造則其領以御史也久矣豈僉都御史之設乃洪武永樂間事而御史其定制歟嘉靖丙午今中丞王君某以御史視道事值署舍爲雨所圯修復之旣而稽前之蒞茲道者其姓名徃徃不存喟然慨文獻之湮沒也於是卽所聞見扁之署中而請予記其後御史党君某今廷尉魏君某張君某太僕馱君某御史邢君某繼至遂相與勒石題名以申前請予惟國朝建立諸司條理品式燦然備具而又于文案嚴照刷之條重理沒違枉規避之罰期以杜吏欺飭法守故每省必命御史董之而是道之設則又居京師重地凡六曹五府暨百司庶正文案之照刷咸屬焉故其文移之體視諸道有加益重其任俾得行其法也及其久也吏旣視以爲常而御史聞之習于姑息送刷者舉其一或遺其二照刷者詳于細或畧于大而當時建署設官之良法美意且將爲爛文故事日以墜失則前此姓名之不存復何怪哉今諸君精明剛毅咸克舉其職而肆其餘力搜羅前人列之貞石將俾來者指其名第其政予以審淑慝之辨其慮遠矣然予又聞今世文人學士徃徃重史籍而不于文卷則詆爲鄙俗至却去不欲觀夫文卷視史籍雖其文不同然而國之故實與大賢人君子經世佐時之具民生政治休戚興替之由舉於是在其有資於見聞政理宜無不同而輕重之若是其異是大惑也嗚呼士誠知文卷之不可鄙則其從事於照刷

有不思盡其心以舉其職者乎 世經堂集

大理寺在都察院南 春明夢餘錄

內官同法司錄囚始于正統六年凡大審錄內監奉旨
出則齋勃張黃蓋騎導於大理寺為三尺壇中坐尚書
都察院大理寺以次左右列坐御史郎中下捧牘立唯
諾趨走惟謹三法司視成案有所出人若輕重俱目視
太監意人監意所不欲不敢忤也內監經奉命審錄者
死則於墓寢畫壁南面坐旁列法司及御史刑部郎引
囚鞠躬聽命狀悉圖之示後世為榮觀焉 明刑法志
明宣宗大理寺箴有虞用士勸教明刑秦漢相繼廷
尉是稱命曰大理由景之世暨于今茲一以輔治列
之九卿有翼有承鑑空衡平視獄之成簡于五辟以

正刑罰維過斯宥維義之合刑不可贖死不可生惟
爾是憑其可不矜易簡明慎書戒欽恤祇率勿違乃
德之吉淫官惟反惟貨惟來終迷不復乃禍之階粵
昔蘇公式敬由獄以長王國永命攸屬嗚呼若人悠
悠我思爾儀爾規服此戒辭 官箴

舍飯蠟燭寺日給貧人粟米病者有醫死者與棺 五城坊巷衢術集

唐時禁京城丐者分置病坊于諸寺以廩之亦謂之悲
田院即今蠟燭幡竿二寺也 穀城山房筆塵

咸宜坊二牌十舖有大小石佛寺能仁寺通妙宅顯靈
宮 五城坊巷衢術集

金元間有僧自稱萬松野老居燕京從容菴耶律楚材

見之叅學三年僧以湛然居士日之今乾石橋之北有
甄塔七級高丈五尺草生其頂有石額曰萬松老人塔
帝京景物畧

萬松老人耶律文正王之師也其語文正王曰以儒治
國以佛治心王亟稱之謂雲門之宗悟者得之於緊峭
迷者失之識情臨濟之宗明者得之于峻拔昧者失之
鹵莽曹洞之宗智者得之于緜密愚者失之廉纖獨萬
松老人全曹洞之血脈其雲門之善巧備臨濟之機鋒
誠宗門之大匠四海之所式範其傾心至矣老人有萬
壽語錄釋氏新聞又善撫琴嘗從文正王索琴王以承
華殿春雷及種玉翁悲風譜贈之見湛然居士集且作
寄老人有一曲悲風對譜傳之句又嘗寄孔雀使面

附以詩云風流彩扇出西州寄與白蓮老社頭遮日招
風都不礙休從侍者索犀牛傳之法門亦佳話也潑水
亭雜識

至元十五年命承旨和禮霍孫寫太祖御容十六年復
命寫太上皇御容與太宗舊御容俱置翰林院院官春
秋致祭泰定四年造影堂于石佛寺未及遷後至元之
六年翰林院言三朝御容祭所甚隘兼歲久屋漏于石
佛寺新影堂奉安爲宜中書省臣奏此世祖定制當仍
其舊報可元史祭祀志

至治元年正月帝詣石佛寺以其墻垣踈壞命副樞木
溫台僉院阿散領圍宿士卒以備巡邏元史兵志

元統元年正月立司禪監奉太祖太宗睿宗三朝御容

于石佛元史順帝紀

大能仁寺洪熙元年因舊重修明一統志

大德顯靈宮在皇城西永樂時建成化中更拓其制又建彌羅閣嘉靖中復建吳極通明殿東輔薩君殿曰昭德西弼王帥殿曰保真西殿有相為雷所擊其枝委地如屏春明夢餘錄

按道家之言崇恩真君姓薩氏諱守堅西蜀人在宋徽宗時嘗從虛靖天師張繼先及林靈素傳學道法而隆恩真君則玉樞火府天將王靈官也嘗從薩真君傳授符法永樂中杭州道士周思得以靈官之法顯于京師附體降神禱之有應乃於禁城之西建天將廟及祖師殿宣德中改為火德觀封薩真人為崇恩真君王靈官

為隆恩真君又建一殿崇奉二真君左曰崇恩殿右曰

隆恩殿成化初改觀為宮加顯靈二字每歲萬壽節正

旦冬至及二真君示現日皆遣官致祭崇奉可謂至矣

青谿漫藁

嘉靖三年二月營龍虎殿于顯靈宮以奉元武大政記

嘉靖壬辰上命禮部尚書夏言撰顯靈宮碑中書舍人

顧亨書丹亨夢縞衣者告之曰方以類聚物以羣分既

覺家僮報有鳴集于其家之庭院揮之不去其日上嘉

其書法令附名于碑并賜羊酒果饌四友亭集

永樂間有周思得者以王元帥法顯京師元帥世稱靈

官天將二十六居第一位文皇禱輒應乃命祀神于宮

城西宣德初拓其祠宇署額曰大德顯靈宮後有東西

世傳靈宮藤像文皇獲之東海崇禮朝夕對如賓客所
征必載及金河川昇不可動問之曰上帝有界止此也
帝京景物畧

顯靈宮道士韓承義工蹴鞠肩背膺腹皆可代足兼應
數敵皆給自弄可使踟繞身終日不墮 燕山叢錄

何景明過顯靈宮詩不到元宮久桃源更此行行知

瑤水近坐望赤霄平洞草秋先長垣雲畫自生雙雙

玉簫發風引度仙城 大復山房集

李惟寅集顯靈宮作先帝祈靈太乙祠重來空憶翠

華旗殿中香火儀猶具海上仙人事轉疑客與方書

閒指畫老來詩律舊心思調高身健斬時輩高閣憑

欄眼故遲 吳業齋稿

馮琦登顯靈宮閣作極目長宮雁影南千峯當檻落

晴嵐清秋斜日窺金象古木寒雲鎖石龕地迥樓臺

三島接天低烟樹萬家舍虛疑縹緲縵山頂時有簫

聲駐鶴驂 北海集

正德十一年十一月四日給事中齊之鸞上言邇者京

師西角頭新設花酒店或云車駕將幸其間或云朝

廷貴收其利陛下為天地民物之主四海之富孰非其

有乃至競錐刀之利于倡優之館乎請亟罷之不報 武

宗貞錄

鳴玉坊三碑一十四舖有神武後衛燕山衛淨妙菴古

燈菴寶禪寺普度寺響鈴寺 五城坊巷衛衛集

帝王廟在西四牌樓大街之西南向嘉靖間建祀三皇五帝三王漢高祖光武唐太宗宋太祖元世祖其中而兩廡祀歷代名臣

燕都游覽志

嘉靖十年三月歷代帝王廟成先是中允廖道南請撤靈濟宮神改設帝王廟禮部以所在窄隘宜擇地別建於是工部相度巨成門內保安寺故址舊為官地改置神武後甯地勢整潔且通西壇可鼎新之詔可遣工部侍郎錢如京督工工完上親詣廟祭

國朝典彙

帝王廟殿名景德崇聖之殿東西兩廡南砌二燎爐殿後為祭器庫前為景德門門外東為神庫神厨宰牲亭鐘樓又前為廟街門東西二坊曰景德立下馬牌

春明夢餘

太祖洪武六年建帝王廟于金陵七年始設塑像未幾遇火又建于鷄鳴山之陽及文皇都燕未遑設帝王廟僅于郊壇附祭至嘉靖十年始為位于文華殿而祭之其年中允廖道南請撤靈濟宮二徐真君改設歷代帝王神位及歷代名臣上下其議于禮部時李任丘時為春卿謂徐知證知諤得罪名教固宜撤去但所在窄隘不足改設寢廟宜別擇善地上以為然令工部相地以阜城門內保安寺故址整潔且通西壇可於此置廟上從其言次年夏竣役上親臨祭今帝王廟是也是年修撰姚涑即議黜元世祖祀李任丘亦執奏以為不可而止至二十四年竟斥去識者非之則費文通迎合也廖中允疏以大慈恩寺與靈濟並稱欲廢慈恩改辟雍行

養老之禮禮臣以既有國學爲至尊臨幸之地似不必更葺別所惟寺內歡喜佛相應毀棄上是之像既毀不數年而此寺鐘爲鞠場邵陶兩方士以提督靈濟等宮領天下道教入銜矣任丘先已測上意故存此宮智哉野獲編

成化二十二年冬十月復建大永昌寺先是寺建于西市已有成緒及國師繼統以星變被譴寺亦隨廢至是太監梁芳請更擇地建之乃令工部左侍郎杜謙等相度地基得故廣平侯袁瑄宅時瑄家已失侯瑄妻固請以宅獻而託芳請襲侯芳言于上而許之既又市其傍民居數十家大興工役視舊益加廣矣憲宗實錄二十三年五月以工部尚書謝一夔代杜謙督迓大永

昌寺 國朝典彙

正德五年六月戶部言永昌寺舊址改建爲倉未有名乃賜名曰太平倉武宗實錄

六年十一月以太平倉賜永壽伯朱德爲私第戶部尚書孫交言昔田蚡請考功地益宅漢武不許夫隙地尚不輕畀况此倉乎奏人不聽同上

八年三月改太平倉爲鎮國府又欲毀版口爲府廳工部奏祖宗稽古建官府部具有定制今改倉爲府有乖舊典况位屬乾方乾天門也且此地初爲永昌寺再爲新石版又爲太平倉屢改屢廢推之地理察之人事俱未便上曰既以此地爲天門宜當通達前此閉塞何不以聞其以實陳狀工部再請罪乃宥之同上

嘉靖元年五月改鎮國府仍為太平倉命總督倉場官
管理 世宗實錄

康陵先立鎮國府後乃自封鎮國公府在鳴玉坊嘉靖
初仍改太平倉矣都人至今猶呼西帥府衙衙也 兩京
求舊錄

至大元年立人承華普慶寺都總管府二年改延禧監
尋改崇祥監四年陞為崇祥院泰定四年復改為大承
華普慶寺總管府天曆元年改為崇祥總管府置普慶
營繕提點所三年改為營繕司 元史百官志

至大四年十月賜大普慶寺金千兩銀五千兩鈔萬錠
西錦綵緞紗羅布帛萬端田八萬畝邸舍四百間皇慶
二年七月賜普慶寺益都田百七十頃 元史仁宗紀

至治元年二月作仁宗神御殿于普慶寺 元史英宗紀

泰定元年四月作昭聖皇后御容殿于普慶寺八月遣
翰林學士承旨韓赤祀太祖太宗睿宗御容于普慶寺
元史泰定帝紀

姚燧普慶寺碑畧人承華普慶寺者皇帝為皇祖妣
徽仁裕聖太后報德作也先是太官荅難監龍興還
老而無子自簿減獲數千捐牛羊馬駝蹄角亦數千
田產貲貨猶不與存盡獻之隆福宮裕聖則曰吾何
庸斯其賜今皇上四年裕聖上仙撤是獻屋為殿三
楹事佛妥靈以盡孝思至大元年視昔所作圖報弗
稱乃市民居倍售之佔跨有數坊直其門為殿七楹
後為二堂行宇屬之中是殿堂東偏仍故殿少西疊

甃為塔又西冉為塔殿與之角峙自門祖堂廡以周
之為僧徒居中建二樓東廡通庖井西廡通海會巾
為列肆月收餽直寺須是資是役也未嘗發民一夫
皆傭工為之其費一出宮帑

牧菴集

日忠坊四牌十九舖有永泰寺廣濟寺延壽寺

五城坊

卷 衲 衲 集

弘慈廣濟寺東望西安門西接平則門帝土廟南隣乾
石橋萬松老人塔北近大街寺基二十畝

弘慈廣濟志

萬安弘慈廣濟寺碑都城內西大街街北有古刹廢
址相傳為西劉村寺景泰間人有得佛像及石龜石
柱于上中山西僧普慧與其徒圖洪輩圖興復之尚
衣監太監廖屏以開賜額曰弘慈廣濟時天順丙戌

歲也 同上

萬曆癸未彭城伯張守忠惠安伯張元善重修

同上

金城坊五牌二十二舖有普照寺鐵佛寺

五城坊 衲 集

天順元年五月勅戶部令順天府於大興宛平二縣各
設養濟院一所

實錄

元世祖廟在金城坊洪武十年建

明一統志

嘉靖二十四年禮科右給事中陳棐上言國家於歷代
帝王陵寢之祭自伏羲以至宋孝宗三十五陵所祭之
處俱實有陵墓惟順天府所祭元世祖陵但權於府西
廟址掃階蓆帳以畢事夫既日祭陵而實無陵臣以為
罷之便

春明夢餘錄

馬中錫謁元世祖廟作世祖祠堂帶夕曛碧苔年久
暗碑文薊門此日瞻遺像起輦何人識故墳棹楔半
存蒙古字陰廊尚繪伯顏軍可憐樹老無花發白晝
鴉鳴到夜分

東田漫稿

元佑聖王靈應廟卽今都城隍廟在城西刑部街春明
夢餘錄

天曆二年加封大都城隍神爲護國保寧王夫人爲護
國保寧王妃

元史

金佑聖王靈應碑貞元元年許復書元佑聖王靈應碑
至元五年任棫撰張禮書元城隍廟碑至治四年莊文
昭書元大都城隍佑聖王廟碑泰定三年立元大都城
隍廟碑至順二年虞集撰康里巉巉書元護國佑聖王

記至正二十五年吳雲書

天下金石志

虞集大都城隍廟碑世祖聖德神功文武皇帝至元
四年歲在丁卯以正月丁未之吉始城大都立朝廷
宗廟社稷官府庫庾以居兆民辨方正位井井有序
以爲子孫萬世帝王之業七年太保臣劉秉忠大都
留守臣段貞侍儀奉御臣忽都于思禮部侍郎臣趙
秉溫言大都城旣成宜有明神主之請立城隍神廟
上然之命擇地建廟如其言得吉兆于城西南隅建
城隍之廟設像而祠之封曰祐聖王以道士段志祥
築宮其傍世守護之自內廷至于百官庶人水旱疾
疫之禱莫不宗禮之爾來六十有餘年國家治平民
物繁阜日盛一日而神之所依亦厚矣祀典之載所

謂有其舉之而莫之敢廢者歟迺天曆二年二月庚子皇后遣內侍傳旨中政院臣使言于上曰城隍神廟世祖皇帝時所建有禱必應烜赫彰著而廟久弊弗葺無以荅神明之貺以繼世祖之意請出內帑寶鈔五萬緡以修制曰可命京尹臣賈某董之太史以諷日弗協請俟其吉九月中書叅知政事臣趙世安等奉勅封神曰護國保寧佑聖王其配曰護國保寧佑聖王妃至順二年二月癸亥以前所賜爲未足用增賜寶鈔十萬緡大修治之平章政事臣阿禮海牙工部尚書臣岩穆忽爾寔奉詔領其事且命之曰庇工而有餘資則以賜諸廟中給恒用於是工部率其屬以卽役土木瓦石金碧丹堊既善旣足百工並作

無敢不虔未幾而告功於是有勅史臣集製文刊石以垂示無窮臣集拜手稽首而言曰聖上受命自天纂承大統武臣著功在盟府百靈相協固其宜哉聖后輔佐聖明之成功而一神之報亦不敢忘可以觀德可以致福可以示勸于臣矣於戲盛哉請系以詩曰維皇建國宅中圖大臨制萬方式表無外列雉四周壯于天垣爰立明神以保固完司空奉詔慎擇吉土作廟坤維以祀休嘏相維典則有社有方羣黎萬姓罔敢褻穰維坤孔邇有堂有寢曰豫則康威怒斯凜歲時牲牢旨酒明粢無有小大士女畢來列聖清明歲行六十風氣宣通民物豐殖相爾檐楹丹堊弗新何以妥之俾佑我人皇上至仁思保赤子聖后念

之命禱靈時天高日明風塵不驚大開明堂治功告
成有所有報伊古之道出財官府撤弊改撓山藻孔
文既閒既安度其王封載加彌尊神來燕喜百和萃
止導天之貺爲帝之祉室家祚衍福祿萬年貽及于
民生養弗愆崇墉巖巖太山之固神永有依斯皇多
祐道園學古錄

都城隍廟在都城之西永樂中建中爲大威靈祠後爲
寢祠左右爲齋兩廡爲十八司前爲闕威門門外左右
爲鐘鼓樓又前爲順德門又前爲都城隍門春明夢餘

錄
北京都城隍廟中有石刻北平府三大字此國初舊物
一老卒云其石長可丈六尺下有城隍廟三字既建北

京埋而露其頂儀門塑十三省城隍皆立像左一
每歲順天府官致祭湯幢小品

宣德五年六月命行在工部修北京城隍祠宣宗實錄
正統十二年十一月重建城隍廟成英宗實錄

英宗御製碑畧城隍廟在都城西南闕城完之日令
更造焉中作正堂後爲神寢堂之前爲正門自堂左
右至門翼以周廊如官司之職掌以案名者十二廊
東西中特起如堂者二名左右司正堂以祠城隍之
神而旁以居其輔相者各以序置門之外爲重門東
西置鐘鼓樓其後各有舍以棲其守護之人蓋總爲
屋以間計者一百九十其地以丈計者深七十一廣
四十一有奇材出于官之素具工役于力之常供

無所預于民成不浹旬而功倍于累月孟子所謂不
曰成之或庶幾焉 同上

廟市者以市于城西之都城隍廟而名也西至廟東至
刑部街止亘三里許其市肆大畧與燈市同第每月以
初一十五二十五開市較多燈市一日耳 燕都游覽志
京師朔望及二十五日俱于城隍廟為市郎曹入直之
暇下馬巡行冠履相錯不禁也初四十四二十四等日
則于東皇城之北有集謂之內市不及廟中之多也至
每歲正月十一日起至十八日止則在東華門外迤邐
極東陳設十餘里謂之燈市則視廟中又盛矣 五雜俎
城隍廟開市在貫城以西每月亦三日陳設甚夥人生
日用所需精麤畢備羈旅之客但持阿堵入市頃刻富

有完美以至畫書骨董真偽錯陳北人不能鑒別往往
為吳儂以賤值收之其他剔紅填漆舊物自內廷闈出
者尤為精好往時所索甚微今其價十倍矣至于窰器
最貴成化次則宣德杯棗之屬初不過數金予兒時尚
不知珍重頃來京師則成窰酒杯每對至博銀百金予
為吐舌不能下宣銅香爐所酬亦畧如之蓋皆吳中儂
薄倡為雅談戚里與大估輩浮慕效尤瀾倒至此 野獲
編

凡燕中書肆多在大明門之右及禮部門之外及拱辰
門之西每會試舉子則書肆列于場前每歲朝後三日
則移于燈市朔望并下澣則徙于城隍廟中燈市極東
城隍廟極西皆日中貿易所也燈市歲三日城隍廟月

三日至期百貨萃焉書其一也少室山房筆叢

唐於泥寺即今鷲峯寺鷲峯者唐僧之號也見唐人石刻心經中寺在內城西隅中有栴檀瑞相元學士程鉅夫記其說荒唐不足信然佛之體製衣紋踽踽欲動非近代人所能辦春明夢餘錄

京師栴檀佛以靈異著聞海宇王侯公相士庶婦女捐金莊嚴以丐福利者歲無虛日故老相傳云其像四體無所倚著人君有道則至其國國初時尚可通一綫無礙今則不然矣耕錄

鷲峯寺在城西墻畔寺頗湫隘然供有栴檀佛其中像為紫檀木衣無縫天衣目上視手左昂右頰相好端嚴曼異常造歷代以來每隨建都之地而供養之元饒

檀佛像于石而樹碑墀間恣人搨請燕都游覽志

城隍廟之南有鷲峯寺栴檀佛像高五尺許色近沉碧萬曆中慈聖太后始傳以金帝京景物畧

京師鷲峯寺有栴檀釋迦接引像其足立處幾於交趾不作八字衣紋多作重褶如出水衣附着股臂間面目向上絕不似今滿月相也見其編

劉迎栴檀像詩我昔游京師稽首禮瑞像堂堂紫金身示現大法藏莊嚴七寶几重疊九霞帳光如百千日晃耀不容挈想初法王子運力攝諸匠壞材發神秘妙斲出智劍風流蜀居士翰墨老彌壯雷霆大地底音樂諸天上猶疑三十二不具梵音相不知一點真正勝千語浪嗚呼五因緣語綺反成謗我今獨何

丁卷四
幸相見問無恙文殊本無二何處覓真妄廣修香火
供獲脫煩惱障天龍想驚喜訶衛日歸向已覺海潮
音人天會方丈 山林長語

程鉅夫梅檀佛像記蓋聞道非有像作易者必擬諸
形容法本皆空度世則斲資于色相謂如指空爲鏡
不若以鏡而喻空卽樹占風將使識風而忘樹是以
雙林付囑舍利以凡聖而遍分千幅經行足跡百古
今而常在非炫神通于幻境實開方便于迷津所謂
由目以會心卽心而卽佛者也按大藏功德經佛昇
忉利天度夏三月爲母摩耶說法爾時優填王常懷
渴仰而不得見救彼國內巧工造佛形像禮拜供養
毗首羯磨天化爲匠者卽白王言但我工巧世中爲

上王卽選擇香木肩自負荷持與天匠操斧斲木共
聳上徹三十三天至佛會所以佛神力聲所及處衆
生罪垢煩惱皆得消除又觀佛三昧經佛昇忉利天
旣久優填王不勝慕戀鑄金爲像聞佛當下以象載
之仰候世尊猶如生佛乃遙見佛足步虛空蹈雙蓮
花放大光明佛語像言女於來世大作佛事我滅度
後我諸弟子付囑於女然則萬影沉江如如不異孤
光透隙一一皆圓夫豈擇地而容蓋亦隨緣而應望
梅林而止渴靡不同沾汎竹葉以言歸誰堪共載惟
我聖天子道躋往聖慈等覺皇祝長樂之春秋恒依
佛地企如來之歲月坐闕人天爰命集賢大學士李
衍與昭文館大學士頭陀大宗師溥光等大海雲寺

住持長老某大慶壽寺住持長老智延大原教寺住
持講主某大崇恩福元寺住持講主德謙大聖壽萬
安寺住持都壇主德嚴大普慶寺住持講主某繙究
毗尼經典討論瑞像源流乃有阿閣鸚鵡法筵龍象
五千四十八卷歷劫藏心十方三世諸尊宿生摩頂
莫不恪承淵旨同述勝因曰釋迦如來淨飯王之太
子生於甲寅四月八日是爲成周昭王二十四年既
生七日佛母摩耶夫人往生切利至昭王四十二年
壬申太子十九棄位出家修道至周穆王三年癸未
道成八年辛卯思報母恩遂升切利天爲母說法優
填于欲見無從乃刻栴檀爲像目犍連慮有缺謬躬
備三十二匠升天審諦三返乃得其真既成國王臣

民奉之猶佛是年佛自切利復下人間此像躬迎低
頭問訊佛爲摩頂授記滅度千年之後女往震旦
廣利人天由是像居西一千二百八十五年龜茲
六十八年涼州一十四年長安一十七年江
七十三年淮南三百六十七年復至江南二十一年
汴京一百七十六年北至燕京居今聖安寺瑞像來
儀記作憫忠寺十二年又北至上京大儲慶寺二十
年南還燕宮內殿居五十四年大元丁丑歲三丁
宮火尚書省石林公迎還聖安居
祖皇帝至元十二年乙亥大臣李羅等備法仗羽
駕音伎四衆奉迎居於萬壽山仁智殿丁丑建大聖
壽萬安寺二十六年巳丑自仁智奉迎居於寺之後

殿焉元貞元年乙未成宗皇帝親臨奉供大作佛事
計自優填造像至今奉詔纂述之歲是爲延祐三年
丙辰二千三百有七年噫四大海中頓覺業風之息
一彈指頃不知賢劫之過嘉與涵靈從茲安隱於是
集賢大學士陳顥以述上聞有旨授臣鉅夫俾爲之
記臣謹奉詔言曰粵自古初聖人教民報本返始而
祭祀之禮居其一廟則木爲之主饗則孫爲之及
其後也乃有像設焉而不知其所從始由斯觀之其
原於梵俗也與夫佛爲世中尊又何俟於贊然欲知
佛之爲佛不當于其身而况於其似然苟不自其外
而求之又將無所措其力是故佛雖多訓然徃徃自
印其身以言蓋因以卜人心進退之兆若於其

猶惓惓不息焉則其進也殆庶幾乎此佛之意也
下考百王之度酌羣言之蘊上以符孝下以施仁
於厚天下者無所不用其極至于規人於善足以輔
吾政教之所不逮者亦以天下之心爲心而從之而
非若彼內祠秘祝者之爲也夫以金石之悍堅猶未
能必其可久今以一木之爲而縣屋獨若此然則佛
之自衛者固甚周而人之也抑豈手足之功哉于
以見人心之仁推諸四海而準而性善之說果不誣
矣嗟夫邇公二千年有奇至于陛下然後發德音紀
鴻烈非緩也熙明之治至是而始隆雖典祀之外猶
必以斯文文之也然則化之漸被者廣矣不其盛與
記洛陽之伽藍筆多慙于董史頌西方之無量心其

祝于堯年莫測真如徒欣聖際謹記 雪樓集

自仁智燬奉迎于萬安寺之後殿百四十餘年迎于慶壽寺至嘉靖十七年居百二十餘年因寺回祿表闕于上奉迎于鷲峯寺至今萬曆二十五年丁酉居五十八年計自優填王造像之歲當穆王十二年辛卯至今萬曆丁酉凡二千五百八十餘年 瑞像來儀記

優填王勅國出巧匠會以牛頭梅檀作佛像形供養晨夕禮拜是時波斯國王聞優填王作佛像供養亦召巧匠語以如來形體當以真金作佛像形即令紫磨作如來相亦五尺餘時閻浮提中始有二像也 增益阿舍經佛九十日在忉利天為母說法時優填王思佛請目犍連神通攝匠人押雕佛匠六雕得三十二相惟釋摩梵

音像雕不得 傳燈錄

淤泥禪寺心經今在京師城內西南隅鷲峯寺正書其末曰大唐貞觀二十二年三月吉日建立碑曰宮官張功謹敬德監造今山東河北寺院多云創自敬德或謂是尉遲敬德攷許敬宗所作敬德神道碑及本傳並無鎮幽州事亦不當列于宮官之下也 金石文字記

義利寺在城內西宣德四年建 寰宇通志

王章字漢臣常州武進人崇禎元年進士歷官河南道監察御史巡視京營甲申三月賊攻廣寧門城破遂入守阜成門 昭忠錄同甲申傳信錄作京直門城復陷公

於城上遇賊奄至呼下馬公張目叱之賊槩公中股墜馬被執問曰降否曰不降賊以刃傷其膝什地罵不絕

口遂遇害 隋朝遺詩傳

月臺園在阜城門內傍城垣下入門兩垂柳拂地黛柏
杏槐深環石砌堂後枕一池甚修廣倒影入屋楹周遭
菜畦今屬冉都尉矣 燕都游覽志

宣家園在阜城門內舊為宣城伯衛公別業傍多宅宇
外有菜圃百勝後屬之焦鴻臚稱焦園又屬之毛戶部
稱毛園舊有射堂為習武地今窳矣牡丹數種向為京
師第一先輩言初剏時多奇石石皆有名曰鬪虎曰竹
鶴曰驚羽曰奮距今不知所之矣 同

河漕西三牌十三舖有廣備庫京成廠凍果廠永濟左
衛北新草場普度堂白塔寺祝壽寺翊教寺 城坊巷

白塔寺建自遼壽昌二年塔制如幢色白如銀至元八
年加銅網石欄天順二年改名妙應寺 春明夢餘錄

妙應寺在阜城門內寺右偏有白塔一座創自遼壽昌
二年為釋迦佛舍利建內貯舍利戒珠二十粒香泥小
塔二千無垢淨光等陀羅尼經五部元至元八年世祖
發視石函銅餅香水盈滿色如玉漿舍利堅圓燦若金
粟前二龍王跪而守護餅底獲一銅錢上鑄至元通寶
四字帝后閱之愈加崇重即迎舍利崇飾斯塔角垂玉
杵階布石欄簷挂華鬘身絡珠網制度之巧蓋古今所
罕有矣 長安客話

元初童謠曰塔兒紅北人來作主人翁塔兒白南人作
主北人客世祖時塔色燄赤及高皇帝兵起淮陽塔白

如故 帝京景物畧

至元十六年建聖壽萬安寺于京城二十五年四月
安寺成佛像及牕壁皆金飾之凡費金五百四十萬
奇水銀二百四十觔二十六年七月幸大聖壽萬安寺
置梅檀佛像命帝師及西僧作佛事坐靜二十會 元史
世祖紀

元貞元年正月壬戌以國忌即大聖壽萬安寺飯僧七
萬 元史成宗紀

至治元年七月奉仁宗及帝御容于大聖壽萬安寺 元史英宗紀

天曆元年十月幸大聖壽萬安寺謁世祖裕宗神御殿
二年五月幸大聖壽萬安寺作佛事下世祖神御殿 元史

史文宗紀

世祖帝后影堂在大聖壽萬安寺裕宗帝后亦在焉世
祖影堂藏玉册十有二牒玉寶一鈕堂有真珠簾又有
珊瑚樹碧甸子山之屬 元史祭祀志

至正二十八年六月甲寅大都大聖壽萬安寺災是日
未時雷雨中有火自宮而下其殿脊東鰲魚口火焰出
佛身上亦火起帝聞之泣下亟命百官救護惟東西二
影堂神主及寶玩器物得免餘皆焚燬此寺舊名白塔
自世祖以來為百官習儀之所其殿階欄楯一如內廷
之制成宗時置世祖影堂於殿之西裕宗影堂於殿之
東月遣大臣設祭 元史五行志

張翥辛未二月十三日雷火焚故宮白塔詩數聲起

蟄乍聞雷驟落千山白雨來恐有怪龍遭電取未應

佛塔被魔災人傳妖鳥生譌火誰覓胡僧語劫灰豈

復神靈有遺恨冷烟殘燼滿荒臺蛻菴集

劉基白塔寺詩物換星移事已迷重來此地惑東西

可憐如鏡天邊月獨照城烏半夜啼犁眉公集

天順元年改妙應寺賜額成化元年於塔座周圍甄造

燈籠一百八座以奉佛塔相傳四方屬金故建白塔鎮

之然同時元初有五色塔而今僅有黑塔在其後餘湮

沒莫考已燕都游覽志

附近有黑塔寺青塔寺然寺存而無塔春明餘夢錄

弘慶寺任順天府西舊名黑塔寺正統元年改建明一統志

在西河漕西翊教寺之東有李賢董份二碑

正泐寺寶禪寺俱在河漕西有勅建碑順天府志

朝天宮西三牌十五舖有椒園厥菊子園官菜園西城

草場青塔寺立禪廟朝陽菴秀頭菴妙清觀五城坊巷

朝天宮在皇城西北元之天師府也春明夢餘錄

宣宗章皇帝倣南都之制建朝天宮于皇城西北有三

清殿以奉上帝清太清玉清通明殿以奉上帝建普濟景

帝總制寶藏佑聖靖應崇真文昌元應九殿以奉諸神

東西建具服殿以備臨幸宮成于宣德八年閏八月御

製詩文勒碑紀事憲宗純皇帝成化十七年六月重修

亦御製詩文勒碑紀事至天啟六年六月十三殿齊災
宮後天師府有趙孟頫張天師像贊碑大道歌碑虞集
黃籀大醮碑帝京景物畧

凡大朝會百官先期習儀二日國初或在慶壽寺或在
靈濟宮宣德間建朝天宮于阜城門內白塔寺西始為
定所長安客話

李東陽詩石徑苔深步屨空菊花開遍去年叢重游
誤落秋風後舊事都消夜雨中已覺地偏非世界却
憐身病是樊籠諸公只隔瀛洲路未遣丹丘鶴夢正
漢麓堂稿

李夢陽詩馬上城中見雪山白雲蒼樹滿燕關蓬萊
咫尺無人到松柏黃昏有鶴還當日翠華游物外百

年金殿鎖人間浮塵擾擾江湖遠悵望嚴樓不可入
空同集

田一鶴詩星垂殿閣月垂枝又是千官拜舞時鳳闕
未瞻周黼辰龍宮先試漢威儀爐烟裊裊分中禁冠
珮鏘鏘儼法舞班徹共趨庭左右載廢宣廟憲皇詩
田鍾台集

阜城門迤北一里許為正義坊坊北數武有十方禪院
相傳為北留菴萬曆初有大力者奪之于時五臺陸公
捐貲首倡歸其直堂其趾畚築之餘得殘碑尺許有貞
觀年月及北留寺記等字然後知其為唐寺也燕都游
覽志

馬之駿詩宛在風光裏悠然水木間屢尋沿寺稍

見茗城山懺佛難除懶逢僧卽共閒淹留無不可拚
與暮鴉還何處堪消夏非山卽水鄉樹深渾欲暝花
近反無香欲晚波難綠迎秋木漸蒼市譁原未一烟
景乃微茫

馬仲良詩集

日下舊聞卷十三終

日下舊聞卷十三補遺

西市四西城

王恭厥火後救出淨身男子吳二問之稱係厥中本撮
火藥人役但見颶風一道內有火光致將滿厥藥鐔燒
發同作三十餘人盡死止存一人最可異者庭樹盡拔
而無焚燎之跡藥樓飛去而陷數丈之坑庫車軍器如
故神剪火木塵封時塌一萬九百三十間壓死男女五
百三十七人工部上言十忠坊有御用監外西新厥房
三所共計二百餘間甚爲寬濶是貯神器上命改爲安
民厥并發帑金一萬兩賑卹災民

兩朝從信錄

高麗忠宣王五年九月王至大都十月帝下王於刑部
旣而視髮置之石佛寺

高麗史世家

張翥奉迎明宗冊寶至石佛寺明日入太廟清祀禮
成賦以紀事詩寶冊香輿出法宮霏烟御路曉濛濛
仗齊劍佩千官裏金奏簫韶九廟中宣室鬼神徵賈
誼太常禮樂屬孫通小臣有幸逢熙事散作恩波四
海同 蛻菴集

周思得錢唐人行靈官法先知禍福文皇帝北征召扈
從試之不爽乃命祀靈官神於宮城西靈官藤像上獲
之於東海朝夕崇禮所征必載及金河川昇不可動就
思得問之曰上帝有界止此也已而果有榆川之役 列
朝詩集

蕭端家宗師新建帝王廟碑皇帝御寓二紀于茲明
禮飭樂以化天下損益舊章適于中道既正二郊造

九廟作明堂舉大禘證社稷敦先師懷柔百神咸秩
其祀屬以古先帝王之廟遠在南京其于崇享之意
闕而未備乃詔于京師立廟歲時報祀如常儀竊惟
三恪之禮肇于先王八君之祀列之祭法所以欽崇
先烈求其祀事者至矣自秦而下廢而不講者千年
隋始制爲常祀各廟所都唐天寶間乃以羣臣議置
三皇五帝廟各一于京師高皇帝定鼎金陵緣先王
之意采隋唐之制立廟雞鳴山陽以三皇五帝三王
漢唐宋及勝國創業諸主祀焉其歷代名臣自風后
力牧而下凡三十七人各以其序配食于廟庭有司
歲祀有隆無替車駕北徙坎壇祠廟更造並置悉如
南都之故獨帝王之廟未有所立頃歲乃命司空度

基詹尹諏日經之營之以成茲室蒐百年之遺典成一朝之偉觀臣竊以爲茲舉也四善具焉崇德報功不闕不濫宏教也備物盡文以褒先世廣仁也同堂而食選勞而享茂制也搜墜補廢弼成鉅憲至明也有是四者不有所述其奚以示來世乃再拜爲之辭曰明明天子冠德履仁粹道沕滴元化流淳創物垂範登三邁五制法興王進退今古惟其有之是以似之奕奕寢廟聿崇祀之有庭其殖有室其翼神其辰止以享以饗介我景福佑我其延子子孫孫勿替歷年同野集

嘉靖二十七年正月都城隍廟災詔工部重建嘉隆間見紀

都城隍廟元碑七在寢殿後其四在左一長明燈記立於至正二十六年十月一立於元貞元年正月韓從政撰文許復書并篆額一立於至正四年九月余闕撰文莊文昭書一立於至正二十五年十二月童梓撰文吳雲書張璘篆額其三在右一立于至元五年六月任棧撰文張禮書其兩碑則字跡剝落不可復識矣寢殿內朱漆木桶二大可容水數十石有萬曆時進造浴盆及換水二碑蓋都中取水甚難貯此以備不虞而道士遂以神所沐浴謂日疾者洗之可愈用以誑人云緇素錄都城隍廟有元余忠宣公碑至正四年立石文辭猥鄙青陽集無之非公作也稼堂雜抄

任棧大都城隍廟碑畧京師天下之所趨奠居者無

慮百萬室是其捍災禦患以顯相生人福善禍淫以
陰贊天道必有神焉王之國朝廟祀神于城之坤維
爵號祀秩視外郡有加以宗社宮闕攸在示禮重也
神絃歌曰麗予牲兮膺以純潔予盛兮肴以芬桂醕
兮瑞樽神惟德兮是歆樅金兮節鼓我歌兮且舞白
雲車兮霓旌神之來兮帝庭祈年則穰兮岐慝與厲
神心以懌兮報祀毋替奎章閣侍書學士兼翰林侍
講學士任栻撰奉直大夫尚舍寺經歷冀州陰陽學
正李郁書

韓從政佑聖王靈應碑序大元有天下建大都立宗
廟安社後懷柔百神凡在祀典者朝命通祀殷薦豐
腆春夏小闕至元初選都之坤方一隅命少府督工

創更城隍廟不日落成丹青盡飾壯如王者之居司
分善惡部領山川特封祐聖王每遇朔望車馬畢集
祈禱於神者莫之勝紀先至元二十八年七月七日
夜文明街之右盜殺銀千戶及奴二人有司繫隣佑
于獄考訊逾年省部委本路府推周從任親蒞乃事
從仕于二十九年五月十八日引吏齋戒沐浴禱於
王前同宿廡下是夜將半俄聞樂作遠則有音近則
無迹徐聽鑠鑰之聲殿門若開恍如神降官吏相謂
曰今獲斯應殺人者神必知之次日就引囚徒審問
內有趙塔察兒者如神攝之自行招說殺銀千戶者
我也從此寃獄罪有所歸遠近聞之莫不驚嘆焉翰
林院兼國史院從事韓從政撰太常寺禮值官許復

書

童梓加封聖號頒降宣命記世祖皇帝定都於燕既城既隍爰命太保臣劉秉忠建神祠於肆維賜額曰祐聖王廟迨天曆己巳文宗勅叅知政事臣趙世安加封神曰護國保寧錫香旛及楮幣五萬緡欲壽其敝太史以用且勿足遂寢越至順辛未益賜緡十萬重飾像繪以朽易堅崇墉增級金碧丹翠燦然炳耀元統初今上皇帝入正大統詔民事神式遵祖訓肇稱殷祀詔加封曰弘仁廣惠神妃從其號至正癸卯春三月監察御史忽先米只兒海牙野里帖木兒忙哥帖木兒韓楫黃夔言比者畿甸有警雖武臣効力然全城乂安詎非神之默助乎况五穀屢登疾疫弗

作理宜崇于昭報章達中書丞相搠公泊郎中陞理密實員外福安都事九住僉謂神之靈異爲民捍患凡有禳祈罔不孚應崇褒徽號于禮爲當遂趣下其事于春官議於奉常謂宜加封護國孚化保寧弘仁廣惠祐聖王奏聞制曰可仍頒宣命及尚醮香幣遣集賢院衆官皇姊莊靖大長公主遣亦隣真尊皇后遣資正同知朶剌圖按木不花皇太子皇妃遣長慶卿五魯帖木兒咸賫香幣致祭於廟羣稚趣瞻牲醴交薦聖人太史院管勾董本立苑吳雲大殿額飾以泥金用彰新命先是廟祠香火日盛闕闔灑掃未得主者長春道士張志忠承詔薦葆光大師改志祥領其事遂度廟東隙地建元元殿傍爲環宇以居道流

俾甲乙住持以守神祠歲久提點王道從退休于西
堂至是降璽書授守真純素明善大師張德元住持
本宮善應元明守一大師商慎和崇元明善達妙大
師朱德明並提點本宮事勅給五品印信前御史趙
元僧時爲集賢都事實相成之衆復送志靜淳真大
師楊德益爲宮門提舉兼提點宮門事咸議立石以
紀益典復謀于本立經其費乃徵予記其實謹按祭
法有功於民則祀之能禦大災捍大患則祀之故城
隍之神凡天下城池皆祠焉矧國都萬乘之所居四
方之所仰宜百靈之所呵護也朝廷重錫嘉號以報
神賜崇信可謂至矣然神之影響在乎人之誠否靡
間貴賤苟或不誠于中乃欲媚神以徼須臾之佑神

聰明正直寧肯顧而歆之歟書曰天道福善禍淫又
曰作善降之百祥作不善降之百殃其神之謂矣賜
進士出身承值郎綺源庫提舉童梓撰文承事郎太
子司經吳雲書丹集賢大學士光祿大夫滕國公張
璘篆額

無名氏長明燈記大都城隍廟提點道工叩門言曰
君之友阜財里米只見海牙以宛平縣彰義關之西
石碑道南田地廣九十九畝施諸護國孚化保寧弘
仁廣惠佑聖王廟歲租之入以供長明燈今既授地
宜刊于石碑後有所徵焉予謂城隍之祠遍天下郡
邑然神之所以禍焉福焉者因其人善不善非以祈
禳而得而免也世之庸夫愚婦心險行僻顧乃燃黃

醑醴屈膝頓顙以伸斯須之敬神之視之如見肺腑
然寧肯享之乎善敬神者洋洋如在其上如在其左
右言焉惟恐神之聽行焉惟恐神之見言行不愧於
神明而有不蒙其福者乎今米只兒海牙不私其財
積而能散深明夫禍盈福謙之理者也雖然施者固
善矣苟司其租者不思以時致祭而唯私其藏非特
施者是負而實欺神明矣其可哉米只兒海牙累官
中奉大夫繕工司卿

昆田謹按許復所書碑本元成宗元貞元年
立石而劉同人于司有誤以元貞爲貞元遂
月曰金碑又莊支昭所書碑乃至正四年立
石非至治也

京師有唐人所書心經三一貞觀二十二年刻石在淤
泥禪寺一趙偃書廣德二年刻石一大足年僧有聯建
古林金石志

漢經殿外殿聖祚隆長寺有萬曆四十五年勅建碑行
國錄

弘治戊午夏京師西直門熊入城守衛者不知覺有被
傷者鈞陽馬公謂野獸入城非宜乞嚴武事備盜賊何
孟春謂同列曰熊之爲兆既當備盜亦須慎火未幾城
內在處火災禮部燬焉或問孟春此古出何書曰宋紹
興已酉永嘉災前數日有熊自南渡至城下高世與謂
其伴趙允緝曰熊于字能火郡中宜慎火果延燒官民
舍十七八偶憶此事云然不意其驗也餘冬序錄

袁楠普慶寺後殿上梁文積翠凌空儼諸天之層構
側金布地成四梵之妙緣皇帝味道圓明宅心清淨
深植善本靈山之付囑未忘廣種福田寶所之莊嚴
彌真像設參前而山立威儀殿後以雲趨一一青蓮
層層只葉爰以棲神而凝睇亦云澄觀以集思戎祇
樹園作平等觀虹梁將舉龍象具瞻清容居士集
蒲道源白塔寺翻修正殿興工祭文紺殿重修齋厨
創構興作之始恐于神祇畚鍤方陳先事而告願祈
陰相俾無震驚開居叢林

萬曆己未鷲峯寺僧濟舟殿誦經一士人拜墀下僧
覩儀觀有異迎上殿土人不可僧固迎不已士自通曰
城隍也殿有戒神叫護不敢輕入語罷不見筠齋偶筆

笑巖德寶禪師生長都下受法于玉泉明聰曆初居
西城之柳巷人罕知者一日有梵僧來參亞身翹袖作
種種相師以往杖畫字隨方荅之僧作禮騰空而去弟
子問適來僧問何法師曰此阿羅漢西天秘密語也雲
棲祿宏曰予嘗游京師叅笑巖于柳巷敗屋數椽殘僧
數輩而已其高致可想見今其塔在小西門萬曆十二
年立塔銘雲南布政司參政南城羅汝芳所撰也冷然
志

趙孟頫大普慶寺碑銘惟上帝降大命于聖元太祖
法天啟運聖武皇帝起自朔方肇基帝業以睿宗仁
聖景襄皇帝為之子睿宗躬擐甲冑翦金河南雖不
及撫有萬方薦生聖嗣是為世祖聖德神功文武皇

帝雄畧蓋世神武不殺命將出師不再舉而宋平九
域分裂者餘二百年一旦一之遐陬荒裔咸受正朔
幅員之大古所未有於是治曆明時建官立法任賢
使能制禮作樂文物粲然可紀中統至元之間海內
晏然家給人足而又妙悟佛乘欽崇梵教慈惠之德
洽于人心肆世祖之享國三十有五年施及裕宗文
惠明孝皇帝正位儲宮仁孝而敬慎問安視膳之暇
順美幾諫天下陰受其賜多矣至元廿二年裕宗陟
方未幾順宗昭聖衍孝皇帝亦遽賓天三十一年世
祖登遐當是時徽仁裕聖皇后不動聲色召成廟于
撫軍萬里之外授是神器易天下岌岌爲泰山之安
大德二年武宗撫軍于北今上日侍隆福怡言煦之

摩手撫之擇師取友俾知先王禮樂刑政爲治國平
天下之具恩莫大焉四年裕聖上僊皇上追思罔極
始建佛殿于大都旣而之國單懷屬成廟登遐內難
將作上馳至京師先事而發殄殲大憝封府庫奉符
璽清宮以安太后遣使以迎武宗武宗旣踐阼以上
至德偉功不踰月而立上爲皇太子上緬懷疇昔報
本之意乃命剏佛宇因其地而擴之凡爲百畝者三
鳩工度材萬役並作置崇祥監以董其事其南爲三
門直其北爲正覺之殿奉三聖大像于其中殿北之
西偏爲最勝之殿奉釋迦金像東偏爲智嚴之殿奉
文殊普賢觀音三大士二殿之間對峙爲二浮圖浮
圖北爲堂二屬之以廊自堂俱門廡以周之西廡之

間爲總持之門中實寶塔經藏焉其廡之間爲圓通之閣奉大悲彌勒金剛手菩薩齋堂在右庖井在左最後又爲二閣西曰真如東曰妙祥門之南東西又爲二殿一以事護法之神一以事多聞天上合爲屋六百間盤礎之固陞所之崇題案之騫藻繪之工若勿利堯率化出人間其工匠之傭悉皆內帑一毫不役于民旣成賜名曰大普慶寺給田地民匠確磴房廊等以爲常住歲收其入供給所須上旣卽大位崇祥監臣請立石紀事勅臣孟頫爲文謹稽首再拜爲之頌曰皇元應運誕受萬方帝以聖承於前有光明明天子神明八葉德盛功豐富有大業太祖張之世祖皇之天子康之於赫皇武皇武桓桓聖謨孔神神

器斯安粵昔裕聖功在社稷我報之圖天平割極惟覺皇氏具大神力人天共依是資福德迺卜陰陽相地柔剛歲吉辰良大匠是將迺斲迺繩築構造興務殫乃心毋費是懲役者謳歌相厥子來匪民是庸一須國材有岑其宇有踐其廡有楹惟旅金鋪雕礎載瞻聖容端相儼然是依是崇獲福無邊皇帝仁孝永命于天聖子神孫維千萬年

松雪齋集

元世祖廟洪武初建每歲二八月中旬擇日遣順天府官祭嘉靖二十四年罷

明會典

寶禪寺在崇國寺之街西卽元大承華晉慶寺也成化庚寅供用庫內官麻俊買地治宅掘土得趙承旨碑始知爲寺基乃復建佛殿山門廊廡厨庫悉具聞于朝改

賜額曰寶禪寺立太子少保戶部尚書眉山萬安禪于
庭以寺既改額承旨舊碑廢不復存夫承旨書法世所
共珍內官惟知少保尚書之文足重于世而不知安之
人品汚下見其文者方且唾而不觀咸以不見承旨碑
爲憾也蘇丘雜抄

象房弘治八年修葺工部志

何遷白塔寺偶題朝登百尺臺俯拾金光草隔塵塵
馬聲知是長安道古詩文集



